



ル 5
3283
6



凡 5  
號 3283  
卷 6

靖江縣志卷十二

良吏傳

太史公有言長民者操切而從事非良吏也  
若夫汝陰垂神父之名和甯奉慈君之號果  
其功德在人口碑尸祝所由來矣靖自設令  
後或以惠愛或以明斷或以廉守其餘丞尉  
師儒亦有流風善政相表著將以勸後之官  
茲士者故列於記乘如此傳良吏

知縣

昭和十八年  
八月十八日  
購

明

王秉彝字好德蜀之巴縣人成化三年由舉人授江陰令時馬洲未設縣民困於賦役秉彝時乘舟至止為之拊循安輯量沙之漲坍以甲之羨補乙之缺積逋始清輸糧涉險者計銀布抵之招流亡緩債負助穀種贖子女資婚嫁三年往返風濤中無怠既議置縣乃履畝察土定賦令可為世守迄今邑之征科皆其酌定靖再易令民懷之不忘立去思碑郡志亦載為靖邑名宦之首

明中司農榮邑侯王公去思碑江陰縣北臨大江江之中為馬馱沙有民居困於賦役蓋江水突冒衝激沙飛土走朝桑田暮滄海粟米布縷之征自若也欲不困得乎邑令西蜀王侯下車之初即詢民瘼得其故乃渡北躬履厥地問鰥寡撫罷弱鋤劑豪橫田有失常數者割餘地復之輸糧與芻涉險艱者計銀布抵之流亡者招徠之逋負積年者緩其限漸足之稅有常耗以磽瘠決潰事狀聞於郡達於欽差巡撫大臣或省之或免之貧而無穀種者給之逋賦有鬻子女者贖以完聚之婚葬不克舉者割俸以助之匿田者諭以法悉首之仍令沙之四隅以此之漲補彼之沒以甲之羨餘補乙之不足毋狃於習毋健於訟永遵之以為常比及三稔一方晏然轉呻吟而為謳歌易蕩析而為奠居蓋無或鄉之困者焉民謠曰我賦無逋我田無奪微我父母其何能活侯以堪任風憲薦去已七年矣沙之地亦既建而為靖江縣矣人之思侯德者始終如一日於是邑民朱鏞丁寬輩將率眾

步江縣志 卷一 二  
為侯立碑以紀侯之德於悠久請於今邑令鄭侯  
鄭侯曰可乃屬予為之辭夫君子樂道人之善舉  
天下之人之善在所當道矧民於侯之善諄諄不  
釋諸口而播之於謠者乎爰摭其實俾鐫於石庶  
以示民之不能忘侯而後之來者亦  
有所興起云侯名秉彝四川巴縣人

張汝華直隸懷安人成化七年由舉人任時靖江初  
建縣未有城郭宮室汝華至闢草廩為治日夜拮  
据造邑治儒學及各公署三年而後竣役四年以  
艱去邑人謂視百姓如己子處官事如家事蓋實  
錄也祀名宦

鄭錡字威甫浙江蘭溪人成化十一年由進士任負  
治才有局幹理繁治劇運斤成風時靖邑初建草  
昧經營悉心規畫凡前令未竟者輒勇往成之勸  
百姓力本業習耕織會崇明民三十餘口泛海種  
田風颺其舟抵靖港弁軍執之以盜聞錡按驗惟  
耒耜笠鍤隨釋之為治六年歉歲居半公輸民命  
悉賴幹旋嘗有謝客詩云馬馱沙上縣初開城郭  
人民闢草萊堂上一官清似水秋風切莫過江來  
客有赧色政成以艱歸靖人懷之子罐亦登進士  
明知縣陳崇德鄭侯畫像贊并序鄭侯之令靖江  
也惟平易近民初不為皎皎之行以求赫赫之聲

而民之慕之無間貧富老穉男婦咸猶赤子之於慈親焉去之日攀留不可得乃相與圖其像共奉之且十有餘歲矣復懼圖像易泯僉謀刻石以傳諸永久以予嘗踵令斯邑知侯事詳告予請為之贊侯名錡字威甫浙東蘭溪人成化己未由進士拜官來辛丑年以內艱解任去尋乞致仕家居不嗜榮進其子罐亦登進士第不矯不激不詭不隨大刀闊斧運用若雷去而民思也曷以思而無忘也胡為噫嘻我知之矣處官事如家事受百姓如己子侯乃一時長民者之所推

陳崇德字季廣長樂人成化十七年由進士任時海

寇劉通竊發奉巡按王公瓚檄修土城備之又建醫學及陰陽學於縣治左右成前令未竟之上歷陞至浙江布政

金洪浙江鄞縣人宏治元年由進士任長於吏治明

察如神有潘蠻兒掠婦而殺其夫逾年無知者洪勸農至其處馬驚令起視得屍蠻兒伏辜蒞任三年凡有利民之事無不次第興舉調吳江去

明無錫秦布政夔金侯遺愛碑民可以恩懷而不可以威攝懷之以恩則感感則上下之情親而其民之報禮也重此召公所以見愛於南國朱邑所以見思於桐鄉也苟恩不足而威有餘則民將疾之如讎視其去來若逆旅過客漠然無所動於中此民心好惡之至公亘萬古而不可磨滅者吁可畏也余友金君洪四明之鄞縣人才美而氣充以名進士來知吾常之靖江縣事靖江本屬暨陽岌然居大江中憲宗始創為縣四面江流際天賦薄而地磽僉謂不足以辱君理君笑曰是豈不足

立江縣志 卷十二 良吏 四  
為政耶至則因俗為治禁僧道巫覡不得以異言  
邪術惑其民然後興學育才修廢舉墜政聲隆隆  
日無訛則去而為盜賊戶口日耗君下車盡釋其  
田之北於水者六千餘畝而括濱江新淤之田當  
其租入曰江河之士此消則彼長吾從而更其賦  
不亦均乎人咸服其有識邑舊無高城深池成化  
之木江潮入其郭壞官廬舍幾盡上溼下潦不  
可居至是悉毀僧道寺觀之無額者撤其材為公  
署一十二所高明壯麗制度一新又伐石為梁及  
課民築隄濬渠以走潦水蠲濁汚民得去卑即高  
尤精於吏治強明果決事無巨細一閱無留情宿  
胥老奸不得刺手初民居島嶼中不知醫藥有病  
惟尚祠禱多橫死君宿備善藥遇病者輒施之又  
博求良方傳之民間使皆知衛生之要全括者甚  
眾西北邊饑部符下郡將征常平穀之積於民者  
為備荒計且下巡撫使者督察曰穀不時入者有  
厚罰時農事方殷民食且不足所在驛驛君嘆曰

剝饑民以觀免罪非人也力爭於當道得不征時  
都察院左副都御史東夏似公實巡撫江南舉君  
才堪治劇轉蘇之吳江縣去簡就繁以示勸也命  
既下庶民之壯者呼老者啼遮道留君不得則相  
聚謀為不朽計推邑民鞠純輩來徵予文將立石  
記君遺愛予嘉君之能惠其民而喜邑民之能感  
其上也故樂為書此以塞其請而申之以辭辭曰  
郎官出宰上應列星有社有民厥繫匪輕赫赫金  
侯邦之美器來官花縣牛刀小試起望四境江流  
湯湯桑田弗治民租曷償我緩其征我除其額築  
隄濬渠民以休息俗吏擾擾以刻為能剝肌雖髓  
征歛無經君獨吁吁曰民何罪仁言一發四鄰則  
愧易顰為笑活枯以膏天子有詔曰旌其勞詔維  
伊何納君於劇不遇盤根利器胡識輶車在門民  
號以呼老穉紛紛填道溢邪礮石鑄  
詞以示無極匪侯是私亦以勸德

孫顯字微之陝西華州人宏治五年由舉人任以抗

直忤當道調白吳江庶務畢舉大抵因利乘便財  
不費而功易就邑人德之

明陳布政賓孫侯去思碑夫人自百骸九竅五臟  
以至髮膚皆屬之一身而主之者心也苟失調養  
之宜忘嗜慾之節則疾疾作焉吏於民也亦然應  
列宿之精出宰百里苟非其人則民受重殃羅疾  
疾危軀命者眾矣求其以家處邑以子視民如孫  
侯者不多得焉侯登成化乙酉科鄉貢進士擢知  
蘇之吳江蒞任六年政聲藉甚巡按御史王公并  
巡撫都憲王公恕再加旌異侯性剛直不詭隨忤  
當道更調靖江靖本江島規制草創且薦饑故歲  
更廿稔而百事未就緒學校未能興荒蕪未能闢  
婚喪不知禮子弟不知學流亡未復盜賊未平水  
利有未通橋梁有未備街坊無棹楔城郭無門樓  
途無行商市無居貨侯下車惻然曰其有待於予  
哉不三年間舉百廢而一新之首立學宮設社學

致王格開邑庠之科而洲民亦頗向義均徭輕賦  
儲豐備凶招流民墾荒蕪而盜賊亦平給苗畝以  
補圯田而逋賦以復開七十二港而早潦有備葺  
百餘橋而無病涉之民勸富葬貧而野無暴骸從  
簡嫁娶而民無路曠創牌坊者三建城門者二甃  
通衢一平城南怨者一十里夾植以木俾路不圯  
而人賴庇者皆侯惠焉且能樽浮費以度工而民  
不擾藉卒伍以賦役而民不勞由是廢者興缺者  
創政平而人和侯可謂庶事理百姓安而吏職稱  
矣侯及瓜於宏治甲寅之秋民留弗克謀鐫石為  
不朽計推邑民鞠純徵予文以識之余辱鄰封人  
也稔聞侯德之詳故樂為之書侯名顯字微之陝  
右西安華州人也并撫其謠歌頌德之辭銘以系  
之銘曰繫維孫侯人也并撫其謠歌頌德之辭銘以  
惠厥洲民首詢疾苦煥寒飢饑爰遂斯所邑治草  
創經制未全鳩工庀材隨方逐圓載就泮宮敦教  
勸學譽髦得人遐不侯作割盈補虧田無逋租流  
離安集痛軼因蘇民仰方深侯邁滿秩利澤在人

不傳何述爰協羣議勒石  
紀功庶幾不泯以垂無窮

周奇健廣東瓊山人宏治十八年由舉人任吏治明  
敏發隱剔蠹邑政以新始創縣志未就以憂去  
殷雲霄字近夫其先自鳳陽徙壽張登宏治乙丑進  
士以疾歸居石川作畜艾堂聚書數千卷旦夕誦  
思多所著述疾愈還京以正德六年來知縣事明  
察有斷不勞而治蘇盜過淮渡江掠常州諜知有  
備不敢入靖復發兵追之江陰亦藉以完邑民朱  
鎧死於學宮西廡莫知殺之者忽有匿名書嫁禍

於鎧仇某雲霄坐廳事授羣胥紙令各作字獨姚  
明字迹類匿名書一訊遂吐伏後調青田擢南京  
工科給事中數上疏言事既病封其疏付母遂卒  
年三十七雲霄篤學好古冠婚喪祭必考訂古今  
禮行之所至好遊覽川壑託之歌詠爲文若詩力  
追古作者著古樂府四百篇集志殼錄金僕姑數  
十卷初嗜莊周言後究心六經之旨海內名公皆  
傾心下之葬於石川之南會者千人祀靖邑名宦  
明史橐有傳



王榮霄字庭瞻陝西純化人正德七年由舉人任邑  
舊無志前令周奇健創橐厯殷雲霄成之鏤板則  
自榮

易幹字伯貞湖廣巴陵人嘉靖二年由舉人任時器  
黨與胥吏相比爲奸人多奔走訟庭不得安業乃  
禽其黠桀者盡置之法民始得畢力於農事後奉  
召以行卒於淮靖人聞之悲號如喪考妣有受其  
重懲而改行者尤過戚曰侯懲我實生我也其行  
法而得民若此

鄭翹廣東番禺人嘉靖五年由舉人任先是韋丞商  
臣與翹出於湛祭酒若水之門修學宮未竟翹來  
而功落成善政雖多佚邑人稱其廉平

周繼學湖廣黃梅人嘉靖十七年由舉人任修舉廢  
墜百務一新先是靖田漲坍不常因叢兼併欺隱  
之弊乃履田勘驗核實定科減閭邑田租畝二升  
有奇民咸德之二年以憂去

林相浙江秀水人嘉靖十九年由舉人任苦節經費  
以養民財一年去

俞獻可福建莆田人嘉靖二十年由舉人任悉心民事豁虛賦千八百石有奇正疆界定版圖抑豪右撫流移踰歲而民多復業邑以殷阜嘗出公餘以脩官署士民朱習之等赴都請記於某大僚述其四懿而鐫諸石

應昂浙江江山人嘉靖三十二年由舉人任築甕城募民增兵三年罷

王叔杲字陽德浙江永嘉人嘉靖四十二年由舉人任勵精明察修學校勤考課與諸生相勸勉歡若

家人又裁費革冗蠹政一洗有議以新漲田租濟毘陵錫山二驛者力阻之乃寢逾一年調常熟去後以憲使備兵吳中

柴喬字也愚浙江錢塘人嘉靖四十四年出舉人署泰興教諭陞靖令修舉廢墜裁冗費革冗役立法便民一年以艱歸

張秉鐸福建莆田人隆慶二年由舉人任邑有崇聖寺嘗鑄大鏞建樓懸焉生平工古文詞著有天馬山房橐

張師載湖廣江陵人隆慶三年由舉人任潔已持重  
兀然山立人不敢干以私左右無敢出一言者在  
任五年僅解頤者三至今稱張公三笑又稱之爲  
張木胎臨事果決有便於民輒勇往爲之治盜賊  
一無所縱舍賊聞多解散去後以入覲不謁其鄉  
江陵相遂拂衣歸

胡格誠字錦屏河南永城人由進士除常郡推官隆  
慶四年民饑格誠以賑恤至兼署邑篆以本郡糧  
不足請他郡數千斛履畝計口授之全活者眾民

立祠以祀

單文盛江西臨川人萬曆七年由舉人任平易近民  
嘗濬巽河引江水從蘇家港以通城濠民甚便之  
阮純如貴陽人由舉人爲常郡通判萬曆九年署邑  
篆恬靜無爲一意休息閱月訟獄簡少邑以大治  
日扃戶高卧或走馬孤山寄傲於詩酒是時官若  
無事民亦若不知有官比淮陽卧治云

陳文燧字汝相江西臨川人由進士授行人歷任御  
史按察司副使萬曆十年以言事謫靖江令爲政

嚴肅令行禁止修廟學勦廟坊建常餘倉廢墜靡不振舉陞兵部郎去祀名宦

趙堪浙江甯海人以貢授常郡通判萬曆十八年來署邑篆置木簡十餘繪隸形應攝者投其家厥明民抱簡自謁違者罰征賦不事鞭笞第懸數獸皮於庭曰頑逋當被此而民樂輸倍他日訟者聽其自解不解必以至誠動之令其心折嘗有兄弟訟者堪曰此必異居而間入者也令環其手而桎之同寢處飲食三日夜皆悔恨涕泣叙其怨尤之故

遂兄弟相好如初會新令至還郡送者填巷陌父老競供香作頂禮其得民心如此

廖惟俊江西新建人萬曆十八年由舉人任決斷如流吏胥斂手造城堞飛樓數十座濬城池深廣倍數丈復濬東西河達孤山港後陞開封府通判終秦府長史

朱邦憲浙江烏程人萬曆二十三年由選貢任甫至與諸生崇文講學舉鄉飲行保甲凡有便於民莫不次第底績謂靖城東南當有巽峰乃建浮屠以

鎮因調去工未竣嘗欲擴其邑城不果

明吳司馬默靖江令朱侯畫像贊并序夫隴棠勿  
翦矢召伯之雅歌峴碑載勒表羊公之遺愛矧於  
瞻德容之在望儼父母於如臨者乎宋蘇洵氏有  
言思之於心則存之於目蓋古今民情大都若此  
矣若朱侯之令於靖江則君家桐鄉之業也靖之  
蒼黔含甘飲潤猶將世世戴之旄旆載途攀轅號  
道於是相告留侯之像於貞珉用識不忘之思云  
朱侯名邦憲字伯度吳興人也以萬曆乙未涖令  
任其媿媿民瘼根於至誠一切興革斷於祛宿蠹  
規永圖歸之畫一而止卽漢世渤海朝歌之績可  
謂兼之其詳以埃秉筆如椽者紀諸邑乘予獨探  
輿人之誦系之以贊曰穆穆厥衷翼翼厥容山庭  
淵角瑞日和風侯來涖止民既覲止我瞻我依愷  
悌君子侯來何暮侯去何駛心乎愛矣父母伊邇  
侯朝京師侯像在茲庶幾朝夕以寄去思不泯維  
思不朽維德南山可泐我思罔斃凡百有位視此

貞石

吳應江西臨川人萬曆三十九年由舉人任惠政具

去思碑祀名宦子之仁成進士以御史視鹺浙直

朱勳字定國浙江鄞縣人工於詞賦萬曆三十二年

由舉人令靖六年廉明慈愛如子賤在單父民不

忍欺陞松江府同知子陞壬戌進士宰休甯

張懋德甘肅人貢除常郡別駕萬曆三十七年

來攝邑篆清介有守胥吏憚之如神字民和易惟

恐有傷平衡量以入民賦去之日有羨金數百鏹

例入官署懋德悉籍之公帑纖芥不染

景曰軫湖廣雲夢人萬曆三十八年由舉人任初至喜更張後則與民休息僚佐不侵事胥吏不舞文服用儉約草蔬麥飯酒脯不數進二年引疾歸

趙應旟字敏卿江西南昌人萬曆四十二年由舉人任斥羨金減供億誠心質行政主便民邑北連通泰素食淮鹽當事者欲行浙鹽力爭之乃報可嘗以邑後地脈卑緩築一土崗鎮之其他修舉事宜悉取諸俸鍰不累民間半菽有古廉吏風生平工

書法古祠廟墨蹟猶存又與邑紳朱家楫劉文枋

修輯邑志覽之者皆曰信史僅陞台州府通判

明華亭陳徵君繼儒趙侯奏績序陳子耕山中有客朱文學肅衣冠入草堂授玉君書侑之幣陳子釋耒而迎問之故曰將徵文以奏趙侯侯宰靖江三載績用成戒門者無納賀即賀無得納庭實敢徵子空言以獻陳子逡巡三讓而謝曰子郡國多巨卿偉儒不他屬而屬之山澤之癯何也朱文學曰子大夫嫻於辭不喜諛而喜核謀野則獲微子誰歸陳子曰趙侯予最習吾友董元宰氏每謂予曰往江右榜得兩趙皆名士其一今為靖江令嘗六上春官兩擬魁能以古廉吏自期而又廉不使人知其為令也必以卓異聞至是得王君臚記侯治狀正與元宰氏之言合靖江阻江負海四面空波無都市物采之觀且驛傳闕稀賓從鮮少為令者非腴削自潤則姑委蛇容與含蓄其神明以遞

相羈縻而已趙侯獨不然曰靖江雖僻險實帝京  
吳門鎖匙無生輕心甫下車卽慨然有澄清振刷  
之意而大要倡之以廉首進博士弟子員爲談說  
經術葺學宮置學田四境斌斌聞絃誦聲矣民間  
有緩急控候撤去成案不峻爲辭色加於孤嫠使  
得循膝攀案悉吐所欲言言出而情得則三尺之  
法與一面之網蓋更相參焉是曰廉平士風精悍  
拳勇好鬪未易馴侯擒治無行惡少年以及訟師  
博徒而豪橫止黠民負僻鋌險非伏匿巨豪則逋  
逃他境小則作奸大則忘命爲盜侯捕獲摘發皆  
如神其狡獪非竄則縛相戒莫敢犯而姦盜止是  
曰廉明土瘠民瘠監司督賦如風雨侯上調當路  
下均官民逋額清筮楚緩且又積穀以賑無告捐  
金以贖鬻兒禱雨雨隨車禱蝗蝗出境是曰廉惠  
縉紳之頰舌游宦之尺一縫掖之干請豪猾之窺  
閭曾不得以銖兩撼侯以嚙笑嘗侯是曰廉重侯  
嘗飭武場崇壇遺建迎恩亭寶綸堂又嘗置竹輿  
浮舟以濟涉者皆出自官帑不費父老一銀半菽

嗚嗟而辦晏如也是曰廉靜歲時伏臘羔雁不及  
門元黃不及庭其儉如寒書生其潔如高尚士是  
曰廉介侯挾此數者必矯矯上人如江海之悍流  
出匣之怪鏐不可迫視而侯獨丰采醞藉悉寓之  
於樸重宏簡中委任屬僚有推心而無猜色至賢  
如王君嚙蘂茹冰以贊侯素絲朱紘之節此豈偶  
然而已哉今使者上績司勳氏按牘加恩譽命自  
天榮施禰廟旣表能官之名獲章亢宗之實臺諫  
主爵行且屈指首及侯而侯之發軔亨途自今日  
始有如聖天子法祖宗故事越格而超拜之遠則  
周文襄之十九年近則如海忠介之賜節南土侯  
真其儔乎是不徒爲元宰得土賀且以風示廉吏  
爲天下得人賀矣

劉志斌字九霞浙江慈谿人萬曆四十七年由舉人  
署於潛諭陞靖令下車以清白自矢剔奸蠹撫善

良肺石無枉囹圄常空署旁食肆徒業吏胥閒暇  
歸農邑有大興築無弗次第舉公餘則課諸生文  
藝多所成就以憂去闔邑懷其德天啟三年建生  
祠以祀

明邑人朱家棟邑侯劉公德政記劉公浙之名孝  
廉司教於潛轉而令於靖其捧檄而來也縣吏逆  
之循故事以百金為贄公正色卻之未下車齋宿  
而盟諸神務屏竿牘絕苞苴既入署陳饋供帳概  
取儉樸器物稍華者悉遣還之質明矢羣吏於庭  
謂法行必自近毋怠棄公事而自取罪戾毋倚勢  
作威而賤吾民多歷年所者毋戀棧於是姦猾屏  
迹衙蠹一空乃稽賦額罷苛征緩宿逋征新賦約  
以十限民皆樂輸又較量衡革餘羨府道徵發擇  
其必不可緩者應之其奉差而來者不費民間一

文歲發糧長一以出丁多寡為準區長解銀糧必  
以上戶邑有奸宄以羅織居奇公廉得其名遂遠  
竄無敢留滯一洗從前串插告許惡習良民乃得  
安堵巡徼兵卒獲盜限隨獲隨解隨堂帶訊不得  
仍前稽留唆使誣扳頑梗佃戶及貸子錢家積欠  
無償動以人命相誣一經相驗被告之家立破公  
必詳細研訊重懲誣誑自此刁風乃息邑田坍漲  
不常田價亦因時增減自溫令開加我之例民多  
不便公則禁絕其弊民間爭訟恐胥隸擾民不令  
拘攝情輕則原告持符喚訊稍重則下之里甲兩  
造既具片言隨折莫不博穎稱神君以去其以和  
息至者則必好言慰之吳與浙接壤靖之授徒者  
多公之鄉人公為約於四門令門者毋納刺間有  
自外至者出俸錢饋之令速去不得留滯靖之地  
東南較卑形家謂宜建巽峰烏程朱公勸其基歷  
數令未加一抔土公出薪俸助士民集事不一年  
而塔成復捐金為堰以防巽水而蓄聚其氣春日  
始和巡行四履勸民疏滯決壅以備旱澇其餘津



梁道路罔弗完飭稍暇則進邑弟子課藝畧示殿  
最期旦公謁重加禮遇卽以訟牒至亦正容剖決  
其不直者第據理曉之發其愧心又嘗出餘灘以  
贍貧窘使有恒業公在靖甫及考績蠹弊搜剔殆  
盡囹圄空虛衙宇清肅僚屬不敢收訟牒胥隸不  
敢下窮鄉士和於庠農安於野黃髮台背皆以爲  
生平所未見方議舉團河建萬世利而椿萱訃音  
踵至矣公哀慟欲絕民皆巷哭失聲去之日哭而  
送者幾千人公涕泣謝之閭邑頌其德爲建生祠  
城南宮道之右屬余一言勒之貞珉謹撫其畧以  
記

王懋學陝西人天啟四年由進士任清廉愛士丁內  
艱號跣歸以孝聞

葉柱國字大登雲南人天啟六年由舉人任明決有  
爲廢墜畢舉下車值歲祲倡捐義賑俸廉不足則  
典衣繼之逾年又捐俸二百金助開團河工修學  
校費不貲亦已出蒞任數年但飲靖民一杯水而  
已後以憂歸

葉良漸福建人崇禎二年由舉人任爲政清肅寬明  
愛人以徵歛無法劾去士民惜之祀名宦

唐堯俞全州人崇禎七年由舉人任清恕平易不爲  
赫赫之聲以歲賦虧額去

晏益明字庶庭江西南昌人崇禎八年由舉人任性

古樸強毅爲治綜核明辨一切刑名賦役積弊如  
洗正色堂皇豪右望之如負霜雪課諸生試童子  
衡鑑悉秉至公甫四月艱歸以積逋呈吏議邑人  
咸思慕之

明知縣陳函輝晏公去思碑昨余就選不當得縣  
卽得縣不當得靖輦下君子有薄靖而兼忱余者  
往往搖其首曰君亦知萬里長江乎彼其發巴岷  
震夔峽奔流荆門連合九江不知幾千層折而至  
於斯也而竟以此地爲尾閭蓋深惡俱瀉焉江窮  
而海見監則島橫則洲土盪則下漏颶發而蛟涎  
恒河沙中此爲大苦聚而何以身試險爲其長者  
則又教余曰是其土闐而處邃宜業多沃野宜田  
坎而深宜漁士之操縵而襲璞首宜訓以遜敏猶  
未也前令晏公有循良之轍在宜規隨宜畫守余

所以慨然而來者以此及入邑問公前政大抵便  
單赤不便豪右便鄉三老踐更不便舞文諸猾吏  
便魚雅紳矜不便竿郵請託蒞政僅及四月而靖  
掃百年之弊疇昔之因湯火者已出而衽之其夙  
爲城社者已發而驅之矣今天下無處不苦賦而  
江南諸邑其疾蠹也患在於民入其數而官不知  
稽卽官示其數而民不得覩中飽者鼠雀甚壯外  
節者湯竈甚陰公來而靖始有簿籍急縛一二巨  
奸寘三尺而向之以耗羨啖者以科罰餽者皆束  
手楹雷下不敢旅進公又爲繕城隍脩斥埃飭解  
舍謹儲蓄邑西北牙錯通泰兔穴虎嶠憑陵難問  
公數軍實而詰潛穴伏莽者皆竄去規約什尉不  
假顰笑誘掖譽髦秉空拭鑑桃李有蹊稂莠無穎  
統如之詠至今在巽泮間而公曰御無珍玩一梓  
肉衣三澣而安之澹然若野僧高士之寓於斯也  
余來時公方讀禮家居時司度支者急責邑逋逋  
挂公名遂及顯罰然逋實不始公有谿壑是者公  
代之僱余忿焉於是悉搜諸蠹胥付諸法鑄匭收

緩建庫貯藏條編法立而輸納有期知單給早而  
數額有定差役屏迹而村壕不擾是捕嚴懲而善  
良獲安皆本公美意而以張弛行之以便竿郵請託者視  
其所為不便豪右不便舞文不便竿郵請託者視  
公時尤甚余亦岌岌以身聽之是非毀譽不計也  
或曰晏公名父之子其家蓋有縣譜焉胡然而亦  
以催科呈吏議也夫巨木不綴於岑靈鮪不宅於  
潦珍璣美綺之鬻也忌在貧里彼惟不擇枳棘以  
為鸞翮痾子尤而效之殆又甚焉且不見前此飲  
盜泉者乎相率鼓其腹以去何兩入者沾沾焉棄  
濃嗜耽澹苦以井丹憐范丹也余笑曰人各有相  
師氣各有相類予不敢言蘭茝之氣謬通公然可  
以矩矱之近幸師公公仁者也又廉者也廉則久  
而清則長誰言之公家平仲言之也公蒞此四月  
不為久乃孔邇之澤推之即孔子但言吾戰則必  
讓長者如是久者不如是耶孔子但言吾戰則必  
克祭則受福心不敢云吾仕則必應官則必達也  
然而期月三年畫然自課豈其漫無程效而大言

以欺人吾不必遠引公家嬰但引東家某足矣公  
尊人懷泉先生初令太平與予邑密邇照鄰之燭  
至今猶光及補劇蘭陵惠愛之思三十年如一日  
已登南省歷清卿其精神意念無時不注厚并州  
然則孔庭詩禮公固近取諸家他日勳名定相頡  
頏吾君之子又何怪為謳歌訟獄所歸哉朱君仲  
輿偕諸同志為公立石而予為述其執言之意如  
此嗟乎邑諸君子之為此舉也以親其上不以炎  
易涼以敦其故不以暫忘久江流浩浩濁汰清導  
激發後人召杜張趙夫靖又何可薄也公名益明  
別號庶庭豫章人也

陳函煒字木叔浙之臨海人崇禎九年以名進士來  
尹靖倜儻非常遇事敢任官靖六年多所肇造凡  
有利於邑者無不黽勉竭蹶未舉者勅之已舉未

竣者成之如濬團河築堰開飭學宮廣士額建書院課文藝修邑乘嚴武備種種興建皆為靖百世利賴而興起士類陶淑人才使科甲蟬聯頓倍往昔尤人情所不能忘者公餘作為詩古文詞皆力追前哲一時名宿咸推重之後歷官禮部右侍郎奉魯王監國於紹興大兵至與魯王相失哭入雲峯寺作絕命詞投水而死明史彙有傳

國朝賜諡忠節初寒山開旁邑人構生祠以祀繼請

崇祀名宦雍正元年建忠義祠官民祀之

附陳忠節絕命詞八首生為大明之人死作大明之鬼笑指白雲深處蕭然一無所累子房始終為韓木叔生死為魯赤松千古成名黃蘗寸心獨苦父母恩無可報妻兒而不能親落日樵夫湖上應憐故國孤臣年五十有七頭萬事已畢徒慚赤手擎天惟見白虹貫日去夏六月廿七虛度一年世法但嚴心內春秋莫問人問花甲斬盡一生情種獨留性地靈光古衲共參文佛麻衣泣拜高皇手著遺文千卷尚存副在名山正學焚書亦出所南心史難刪慧業降生丈人此去不留隻字惟將子孝臣忠貽與世間同志  
明宜興周相國延儒寒山陳公遺愛碑記靖江古之驥渚環靖皆江與江陰泰興兩相望草昧天造置之險由是風氣日開民生日庶問閭日擴田野

口關人文藹藹亦復日盛予故嘗以古之邶鄘方  
之夫邶與鄘附庸撮士耳乃夫子次十五國獨邶  
鄘得抗列國而嗣周召蓋其柏舟凱風節孝成俗  
洵列國所遜也靖江城治晚設版籍匪久樸畧之  
風未漓而為之宰者如殷公雲霄王公叔臬輩皆  
一代名儒譬之為山諸公先後覆一簣至今陳侯  
而奏九叙之功先於夫子廟庭塗墍月獲宮墻以  
新而馬洲書院隆禮師儒口集弟子員講於斯讀  
於斯課文藝於斯且令民子弟遵新功令誦習孝  
經小學而里選省試之額咸廣於力請子卯科中  
彙征邑士如拔泰茅而為一吐也侯嘗浚河渠之  
厄弗振之氣匪侯不能為一吐也侯嘗浚河渠之  
久淤不汲者八十餘里雖陽為桔槔以前民用而  
實陰用形家言活地脈扶靈秀為書升助故其為  
上者口誦而心感之復慮通江諸渠潮汐消長洩  
易淤易相地形開三建於是洩者瀦淤者不必疏  
而後世利賴之予於是始信文學之果可以飾吏  
治也侯讀書幾萬卷所撰述亦幾數百卷出其曠

世兼長之才左格虎右輓猿無難色神廟未天下  
脊脊多事己卯冬盜擁艦窺鐵甕犯邑境樓船  
將軍陳利兵而誰何侯曰無飲我泉我泉我池遂  
驅平日所練鄉勇中分其軍三百人為三駟者織  
文鳥章扼盜項下流毋使遁歸海一鼓作氣戡無  
庶類人咸目侯儒林中而孰知夫文經武緯乃若  
是之奇且偉也侯更恐兼併妨民而度疆理恐徭役  
攝擾民而行游徼恐倉箱竭民而設法宜驅者蝗孽  
羈民而併六收恐倉箱竭民而設法宜驅者蝗孽  
民而代取償恐囚糧累民而設法宜驅者蝗孽  
而曲為捕之計宜生者物命而曲為放之方  
今年大饑大疫瀰漫天下侯重捐積俸於飢粥於  
疫藥故散四方轉溝壑者靖獨不少概見王元規  
令清河政有十奇千秋艷美侯在位六年其所厝  
注稱奇於靖者奚翅十而孝子節婦文人廉士與  
忠義之夫承侯風而見於邇年者往往而是亦稱  
行邶鄘之道為列國遜有侯如北民宜不忍其去  
也竊見靖得侯靖以重我毘陵得靖毘陵以重夫

毘陵得靖猶之乎衛得鄆也衛不得鄆與鄆柔  
間漢上之歌其淫蕩與鄭何異而夫子乃以先齊  
陳彼邶與鄆不獨自重且併重衛侯亦不獨重靖  
且重吾毘陵多矣我皇上求諫評與文學兼茂之  
臣備侍從前席召侯邑中縉紳先生父老子弟借  
侯不得乞予言紀侯功德勒貞珉而永世世余時  
亦以上召先侯發便殿召對時倘問及東南卓異  
之吏如古中牟密縣者儒其以侯對侯名函輝字  
木叔別號寒山東浙  
臨海人甲戌進士

倪俊明福建漳州人崇禎十七年由進士任爲人美  
丰儀寡言笑廉介自守明察有斷吏胥無所售其  
奸政尙清簡訟獄衰息會靖泰爭界泰令連城壁  
頗負氣俊明閒雅自若竟以片言而決時闖賊爲

亂奸民揭竿四起日事剽劫俊明築渠魁數人於  
杖餘黨解散境內胥安後隱居不仕以終

考陳志縣令傳未有胡司理格誠阮別駕純  
加通別駕堪張別駕懋德先後署邑篆政績  
載郡志者未敢臚列蓋其慎也及考鄭志與  
新志彙以四署公列傳附於明代循良傳後  
謂孫趙志補之第四署公任於隆萬間宜按  
年補入不宜附載故次其先後列之

國朝

清江縣志

卷十一

良吏

七

高攀龍奉天遼東人順治五年以弱冠來任初不甚  
解漢字然穎悟絕倫一經指授卽記憶不忘數月  
後遂貫串通徹居官剛介精察吏胥屏息先是民  
苦賦役攀龍特立官收官解之法積困頓蘇邑多  
盜焚劫無虛夜攀龍偵得其窟率家丁往擒誅其  
巨魁四境以安時海內初定駐防營弁往往與縣  
官抗攀龍深抑之民不被擾值歲祲首自捐金倡  
義賑以爲民勸飢者得全以卓異陞知州

邑人劉情高公遺愛碑記靖江僻處一隅當王師  
御蘇堂諸郡文告久沮不能自達於職方淮陽督

撫趙公多師以討不庭見邑民樸易無異心撫慰  
再三而後去是時邑困於歲內困於兵庶事草創  
無綱紀民亦罔所秉承凡先後令不獲乎上皆過  
客去  
今上五年我侯高公來蒞茲土詢疾苦畫便宜務  
孜孜竭心力以佐民急惟時督課之牒雨集侯曰  
數歲並征幾於竭澤乃詳度其緩急先其所最急  
而寢所不急民大悅相勸樂輸不煩追呼而賦自  
足今軍興未已九賦外不能無作兵甲侯以上狹  
不得與壯縣比因請罷其甚者而民力復藉以少  
紓則壤之賦肥曰田瘠曰沙而賦因之以重輕有  
創爲說者曰靖之土盡平安得有沙云有沙偽也  
請以法入其直公力爭曰士有肥瘠天下之大害  
也奈何紊天下之大經以獨厲吾邑吾邑之大害  
曰糧長歲賦二萬有奇虛糜於盈縮緩急間者倍  
於賦至有田一畝不足供一畝之役因是而死而  
徙而日弊枵楊聞者纍纍矣大中丞王公上疏請  
罷糧長主之以官法至善也而靖卒不能行公慨

然曰即無上命猶當便民耳始力汰故習而罷糧長邑之壤與泰興相犬牙其豪弱吾邑集僮奴千餘具畚鍤奪我北鄙侯單騎往諭之縛其最黠者三數人讞其辟而歸之泰人之氣稍沮先是邑連年告饑閭左無所仰食其不肖者教之劫以苟旦夕邑守帥厲其兵以剿至則盜去盡繫其比閭皆無辜也侯聞而憫之乃誓諸帥曰天子以封疆之重屬公若一井一邱之患則有家司馬之職非公所宜府也由是與侯益相水火思有以中侯而終不可得以前造聽民訟不厲於色務盡人所欲言其武健擇法法所應坐者百援不可奪偶習謬誤及貧弱即弗直猶往往弛法貸之故鈞金束矢不必入而贖帑幾成冰室嘗有以向所質劑假膚受欲居奇於良犄一得志而姦宄蜂起矣侯訊得其實第治其誣不問向所盈縮由是盜者甚於盜侯第令脩備盜發猝從三五騎往輒

得盜魁而戮之盜戢而不知誰為之者邑有無賴相率竄名戎伍中日伺人瑣細及早暮之出入輒詐為姦事上之轉相慕效為故事侯悉廉得其主名摘其尤者杖殺之自是帖然不敢復肆每視事既然如山左右吏非問不致有所改復肆每視事際筐篚尺牘不入於境厨傳寂然無請託之擾延攬二三鄉老孝秀咨時事得失雅雅否否惟義所在終不以功自出或矜其能日刑之儉厨無兼味室無餘珍一切耳目玩好絲粟無取諸民懸魚之操冰蘖之腸嚼然無愧於屋漏矣當是時余方于役東甌正以殘疆在手風雨綢繆猶斤斤靡所矜式乃邑之父老適令其子弟持狀而走東甌署中以告余曰甚哉侯之嘉惠我元元也往見邑大夫之賢者大抵能者鷹擊明者于舉慈者養癰瑕瑜或不相掩時則禁忌疎而物力足抑何傷於吏治乃今嗷嗷者待哺挺而呼者載途闕外之士方日側目而乘隙何啻十羊而九牧非侯之仁何以出我於湯火非侯之仁且勇何以懾負嵎而消其



反側是天以全才異侯而侯以全才活我於垂  
也吾儕口碑雖在其何以弗讓於千百世將以七  
尺之石屬之子矣余曰回首一塵其所蒙被與吾  
子庸有異乎於是敬次第侯萬分之一而銘之若  
夫三年奏最之成功則有太常氏  
之華袞在余不佞何敢復僭一言

延遐齡字方壺山西人順治十年由拔貢任居心慈

祥持身清潔尤愛惜物力被服飲食儉約如寒素

書生邑大水傷稼乃率士民詣當道泣訴求緩征

民得不困未幾以艱歸

邑人朱鳳台送延侯丁內艱還里序三代而下惟  
漢治為近古乃當時考績所稱治行第一不過廉  
平不苛耳非有奇功異能震耀一時也昔歐陽公  
謂治民如治病富醫僕馬鮮明口辯可聽病兒服

藥無效貧醫無僕馬不能應對乃病兒服藥得疾  
愈即為良醫此民之安與不安即治之至與不至  
正上下名實之分也當日黃次翁龔少卿諸人亦  
止宣布詔令使民知上意與移書罷逐捕盜賊吏  
而盜賊解散豈嘗求所為名者乎吾姑最爾邑僻  
在海濱凶荒交棘二三疲民幾不復有生人之樂  
乃得我上艾延侯以世閣偉才來尹茲士勤劬疾  
苦旦暮其咨垂二年所凡為靖民所稱便者如洗  
除蠶漁之規正供悉以官收解不煩差不苛罰懲  
大豪猾蠹省燭奸冒不久蠹首為民禱雨輒立應  
河魚大上涕泣請常事處業賑贍之又悉意整戢  
觀盜賊破道闖闖無所蹂苦侯皆有以強葆之  
而侯卒未嘗有振厲張皇之色素懷蕭簡嗾然  
若不自知為長吏貴人者邑之士民方歌咏之社  
稷之惟恐  
天了遽奪我侯去乃侯忽丁太夫人艱竟以涕淚  
發長道也於是邑之人皇然罔所依恃各聚族蒸  
香攀轅臥轍謂我邑不久有侯孰為干城吾儕者

乎已而又各相謂候以親故非忘吾儕徒號呼車  
下無益輒相顧涕泣至馬擁足不能前若赤子之  
失慈母夫人之有情雖強之使譽非其中心終不  
可得惟平易近民即不求名而天下之名隨之我  
侯經術宏深三年讀禮之餘會膺  
天子內召霖雨天下即以治靖者舉而行之是即  
吾靖之久有侯矣如是  
則侯之名又烏可量哉

王永禛字葛山楚之夔陵人順治十八年由舉人任  
剛果有節操為政務實效不尚虛名專以利民為  
主初蒞任即革除火耗催科以時惟恐有妨農務  
蘆政司臨靖欲加蘆課永禛力執不可至以去就  
爭之得免會編審嚴釐飛灑虛糧花分詭寄之弊

定為版籍用垂永久清丈課田以防欺隱皆利益  
之大者而清苦是甘儉於自奉一切行鋪絕不責  
其供應人人感德逾二年職以鐫級罷去之日泣  
而送者數萬人

邑人朱鳳台王侯去思碑昭陽單闕之夏台就醫  
東皋閣邸報吾邑侯王公以前令冊籍奉部議左  
遷因唏噓久之曰是吾邑之不穀也夫吾邑之不  
穀也夫越數日公遺余書曰僕素介性所不樂不  
能為言所不合不能交嘖笑不能勉以隨人一自  
為吏皆失已而惟物之應朝夕懼禍蓋之至自今  
以往如恍漆而得解矣台敬復曰公善矣其如敝  
邑百姓何余即策蹇南旋途聽野老童牧聚語刺  
刺不休則會留王公事也抵郭邑之人皆南趨大  
呼踴躍填門以留侯負石爭先須臾門墮翼日千

餘人會詣省求之督復詣蘇求之撫襄糧饗縷制  
匄而行竊幸謂可以借寇公一年嗟乎此可以得  
人情之所在矣公蒞靖三載政悃惻無華安靜廉  
慈植士愛民蠲贖緩賦庫不留一錢遇有亟需片  
紙立辦民熙熙田里間而商賈至者如歸江南北  
縣多愧焉噫公之志豈有徇於物亦豈必邑之人  
將以德公而然哉昔鬻子曰君子將入其職其於  
民也旭旭焉義先聞也既入其職而膜膜焉民保  
其福也去其職而暗暗焉民失其教也公今之謂  
夫公今行矣邑之人愛公之賢而歌詩以爲餞思  
公之德而立石以不朽余竊厭世人之頌德政者  
每臚列數事比之召杜宓巫夔黃卓魯以冀悅令  
心而於去思之實反無當焉茲盡屏其辭爲述其  
實而繫之思公行且霖雨蒼生卽以德於靖者德  
於天下其爲堙門留者又不知凡幾  
矣特拔筆以記公名永祺夔陵人

鄭重字威如閩之建甯人康熙二年由進士任有雋

才吏治精明奸猾不敢欺治獄廉平民皆悅服泰  
皋地高每大水以靖爲壑往往釀成巨案詳奉督  
撫檄飭三邑會委妥議靖人畀田泰皋畀力開大  
港五通水道於江以息爭端辛方水來逕直築文  
興壩令滌流委折以培文運嘗倡捐俸錢百緡修  
葺學宮馬洲書院燬於兵建驥騰書院繼之月試  
季課人才蔚起勦 天后宮以佑濟渡葺城隍廟  
以虔祈禱先後盡力民事興利除弊不勝枚舉故  
有飛蝗渡江猛虎潛踪之異又與邑人朱鳳台纂

修縣志徵文考獻具稱明備丙午南闈分校得士  
最盛主司徐公旭齡作序致賀後內擢歷官吏部  
侍郎邑祀名宦道光間復建鄭少宰專祠以誌不  
忘

胡必蕃字又宣湖北孝感人康熙十八年由舉人任  
先是謁選都門晤前邑侯鄭吏部重爲言治靖在  
興水利於國計民生甚便下車令民開濬團河及  
大小各港無力者捐俸助之值署令報旱災逾限  
例不給官賑因集諸紳士勸捐作厰於東塔寺煮

粥以濟飢民夏復淫雨爲災明年春煮粥亦如之  
鄭侯修邑志越十餘年必蕃於各條皆有增補其  
善政大率類此

單疇書山東高密人康熙四十一年由進士任養士  
愛民催科不擾而政尙嚴厲一時豪強斂迹盜賊  
潛踪後行取入都歷官戶部右侍郎事實載名臣  
傳

舒香江西進賢人雍正六年由拔貢任治才明敏令  
行禁止發奸摘伏如神豪猾無從逞志嘗捐俸倡

立江縣志 卷十二  
修學宮南門外舊有驥騰書院延師課士文教以興去任後靖人尸祝之

楊逢泰奉天甯遠人乾隆六年由舉人任邑中有善舉輒踴躍爲之創正誼書院於東南城隅獎拔人才重修東西兩闢使民蓄洩有備江邊古墓被圯建深仁堂以儲枯骨又興養濟院育嬰堂之役悉捐廉俸以倡邑人德之

馬鵬飛安徽桐城人乾隆十七年由貢生署邑篆才畧過人爲政嚴明無敢獻僞者雖在任逾年督濬

五大港闢邑沾其水利

朱洛臣江西高安人乾隆二十一年由拔貢任精明廉介爲政力持風紀事無大小片言立剖吏民懾若神明嘗督課正誼書院所賞拔皆佳士調鹽城去

熊璘湖北雲夢人乾隆二十六年由舉人任勤於吏治催科立限民爲樂輸值大旱跣祈酷暑烈日中甘雨立降自奉甚儉約齋厨索然以行取內陞刑部主事遷員外郎出爲廣信府知府

章洲江西南城人乾隆四十年由舉人任廉靜寡欲  
杜絕私謁兩造以訟至審斷無冤胥吏有作奸者  
必繩以法閱二年調金壇去去之日清風兩袖圖  
書數卷而已

畢所密字蘅塘山東文登人乾隆五十四年由舉人  
署初莅江陰三月士民以青天頌之繼攝靖篆廉  
明慈愛征賦有經斷獄無枉邑中亦以青天戴之  
嘗捐俸修明倫堂左右齋東西廡規制一新又主  
修邑志彙未成調崑山去頂香板輿而送者數里

不絕後歷陞陝西西安府知府治績載陝西通志  
張友柏字霽山順天宛平縣舉人嘉慶十八年九月  
來署縣事時南江坍塌逼近城垣前令設法堵禦  
迄無成效候下車星詣埒所詳察水勢及潮汐衝  
激情形詳析具稟請遴幹委確切勘估定議建築  
石隄以圖久遠借帑籌捐鳩工庀料於次年二月  
興工越七十日而竣事一律堅整並建堡隄上分  
派看守儲積石料隨時驗修慮始圖終經營周密  
埒遂止至於吏治精明刑清訟簡審斷疑獄洞察

如神公餘揮灑書法道勁冠絕當世在任二年調劇去民甚誦思閭邑公請祠祀以識不忘

張敦道字厚齋廣東嘉應州人道光五年由進士署邑篆勤於吏治日坐堂皇聽斷如神嘗勸捐修學宮三越月而工竣值分校南闈調常熟去

彭光祥字雲門四川合州人道光二十年由舉人署邑篆渾厚精明長於吏治聽訟明允不徇不苛時暎夷陷定海沿江設防水師把總張麟驕恣誣虐士民光祥具稟叅革審辦值歲大祲平糶緩徵請

賑勸捐全活無算下車甫四月代忽至靖人額頌比之山左畢青天云

楊鳳翮字振六四川大竹縣舉人道光二十年由大挑來署縣事治尙寬平刑清訟簡等防應變尤見經緯壬寅六月暎夷犯金陵脅和勢甚猖獗沿江郡邑騷擾震動七月上旬夷人北渡掠邑之東鄙及城南門大肆兇暴邑民弗忍以磚石擊斃其酋次日復駕礮船來攻鳳翮率兵民敗之於巽河口事聞上臺撫軍程公獎以督率有方並捐廉千金

以濟餉需自是益募壯丁日夕訓練指揮擘畫井  
并有條喚夷遂不敢復窺靖後調劇去越十餘年  
復至靖主講馬洲書院生童被教益者不可勝數  
李炳照原名錫夔字青侶山東惠民縣增貢生道光  
十九年由長洲縣丞代理邑篆者三月二十二年  
復署靖事吏治精明禁結交胥吏構訟誣陷諸弊  
署內關防尤嚴其有非公而至者戒閹人勿納士  
民重之後調青浦去

齊在鎔字鍊甫河南新野人道光二十七年由附貢

生任前後蒞靖十餘年因公被調者再生平惠政  
若禁增鹽價濬諸河港捐廉募勇籌防保衛懋績  
不勝縷述後調江陰惠政尤膾炙人口民德之祀  
名宦

賈益謙山西夏縣舉人道光二十八年署邑篆幹練  
勤能聽斷明允由下車勘辦水災詳請賑卹蠲緩  
城鄉各鎮設粥廠以濟餓者難民過境資給出境  
在任兩載連被災履悉心拯救始終不倦全活不  
可勝計書院課士點書指示儘度金針後調武進



卷十一  
三  
民多去惡惡言江蘇按察使卒於任子瑚由詞垣  
歷官尚書

三克精阿滿洲鎮監旗官學生咸豐五年調署邑篆  
吏治老成嘉慶初吏明士民敬服丙辰之歲邑大旱  
款項詳請賑卹為請賑新善出賑民沾實惠惜蒞任  
僅二年卒

明

疏竹自嘉靖四年出為靖江丞修繕學校日進弟

子員之有行藝者課以經術無事則揮灑賦詩居  
官以清白自持纖芥不染逾年遷德安推官去登  
舟時北風大作舟人震駭商臣微吟曰舟中若有  
民間物盡向君波深處沉風遂息得渡既蒞任遷  
河南僉事歷四川參議罷歸祀靖江名宦祠明史  
高傳傳

附商臣別寮友詩春寒江閣畫陰陰腐草猶沾雨  
露恩一飯敢忘明主德三年漫有濟民心緋桃自  
卷雲霞色翠竹空餘金玉音滿棹  
月明回首處孤山雲際吐遙岑

錄京浙江上虞人嘉靖三十一年由吏員任有膽敢  
爲時倭亂恒短衣佩刀雜行伍中出城巡警或數  
夕不歸後以事被遣

朱繼芳山東陽穀人萬曆二十八年由選貢任甫至  
革例給數十項愛民如子厚生弔死施糜藥設義  
塚皆以俸金資之御下特峻不少假嘗攝縣篆掾  
屬稍舞文輒痛繩以法官舍肅然性質儉不御酒  
肉夏葛冬褐至敝垢不易不調事上官於署圃植  
蔬蘇熟則餉同官使共領此味尤喜崇飾文教稽

求故實如修黌序開西關定灘額皆悉心爲之計  
經久不苟且粉澤一時公餘則賦詩課子啣吾聲  
達戶外其署政之歲麥秀兩歧後調武昌衛經歷  
去送者填巷陌隨行祇一老蒼頭二女媪綻衣策  
蹇蕭然敝素而已

明知縣陳文繼爲簡溪朱二尹贈別詩海岱孕靈  
藪耀爲魂靈姿絕古今通豪誰聲光映來茲蔚然紫  
芝秀矯若鴻漸龍起復有君侯崛起丁熙時清臞  
野鱗形影落超等夷芳音振朱絃亮節比素絲一  
朝成齋命來此江之淵江之淵沙啾啾鬼夜哭侯來迅  
驅蒼愈列荆榛忽忽風颺沙啾啾鬼夜哭侯來迅  
爲靈氣銷靈如皎月懸中宵虛堂跡絕懷金吏頻  
暖於下殊遠遠孤不爲城鼠不社大寒之後春陽

春陽暉微元氣滿百昌怒發競妖嬈中牟馴雉  
雲如綺河陽蔭藕花正嬌桃李無言暖欲成蘭蓀  
言三香偏饒潑池刀劍賣已盡西膠輪奐摩層霄  
江澄正練武如鏡辛關仙浦浪花漂桑林虔禱澤  
語笑三洲水奠生禾苗黃童白叟怡樂郊聯袂喧  
歌來暮臨來暮復來暮如何去又速徵書忽遠翔  
行行上武臺吳山樹漸迥楚水脉方長吳山楚水  
空不極棠陰處處皆堪憶秋風倏起白蘋洲欲挽  
無可奈不得幾回日斷南天雲淚滴曉梧清露濕  
西風人未寐倚闌蘭溪朱二尹詩海岱鍾靈異江  
東傳書此意正誠只愁雙鳥下應不聽我松

人天啟時山國子生任慈惠不苛爲邑  
人三子友雲竟枉雖傾囊不恤嘗捐俸建東嶽廟  
於此清德與泰與爭壤賴此廟據以爲界邑人德

之去思碑

典史

義成浙江嵯縣人道光七年由諸生例選靖尉督  
捕勤能公餘輒以詩酒自娛狂興傲骨時流露楮  
墨間又善畫墨筆松蘭蒼古幽秀迥與俗異識者  
謂其自喻洵然俸滿赴省看驗囊空若洗艱於晉  
謁遂引疾歸

教諭

主幹江西萬年人由拔貢先授靖江訓導得士心後遷靖諭諸生靡不忻喜輕於學校多所振起爲人志清行篤以身範士置學田立碑紀其出入之用俱有法程自嘉靖十二年以訓至比陞諭九年乃歸

何炯字思默福建晉江人由歲貢初授安福訓嘉靖三十九年陞靖諭學有本原性樸直不苟隨時俗待士至誠不問脩脯首畫開河之議上官善而行久之解組歸所著有四書易經紀聞清源文獻錄溫陵留墨諸書崇祀鄉賢安福靖江俱祀名宦子喬遷喬遠皆成進士爲時名臣喬遠位南少司空時曾扁舟來謁祠不令人物色也

劉寧字育之湖廣江陵人由舉人登丙戌會試副榜來署學事律已端嚴嫻於禮節未嘗以褻見諸生諸生稍屑越輒加責讓少頃又從容以誨較藝不間寒暑每自出供具膳諸生諸生有貧乏者恤之不能婚葬者助之一時士類興起彬彬可觀戊子

秋典試粵西返卒於途

王廷貴字兆斗吳縣人萬曆三十年由舉人署學事  
爲人清節自勵嗜古博學興社課文藝丙夜不倦  
越五年陞南京國子監學正終杭州府同知

薛思憲字晴襟浙江上虞人萬曆三十五年由舉人  
署學事平易有度課士特勤四年陞阜平知縣終  
廉州府同知

江良祝安徽婺源人萬曆三十九年由歲貢任抗直  
有志操以桷鑿於時令遷藩秩去

陸明揚上海人萬曆四十二年由舉人署學事爲  
表裏洞達首定先賢位次籍祭器修頽垣改學宮  
前去水之在坤者於丙諸所修葺必欲觀成丙辰  
夏卒於官

李化龍荆門州人萬曆四十三年由舉人署學事強  
敢有爲過事曲直辭色不假越四年以內艱去

王熙賓崑山人天啟五年由舉人署學事自課課士  
勤苦如諸生六年教澤在人後歷陞光州知州  
祀縱羣字眾甫浙江湖州人由歲貢任靈璧訓陞靖

諭左規右矩言語文章悉中準繩自爲諸生卽以才望見推後里中同社多鼎貴未嘗丐齒牙爲當道地世益高之後以薦陞太和令

明邑人朱家棟學博紀先生去思碑國家廣厲學宮以正學術而敦化源任至重也故安其職者必學足以羽翼六經貫通百氏斟酌古今而藻出之以待後之學者而經教始明又必其人言可法行可師造次不離矩矱使望之者凜然可畏就之者藹然可親如坐春風中而後其型範廣也西吳紀先生少以宏詞博學噪海內與今相國溫公大家宰閔公大司馬閔公結好相切劘頡頏詞壇諸公相繼登高第爲中外顯官先生困頓膠序未嘗丐齒牙爲所司道地品可知矣晚以明經授靈璧訓未幾轉余邑司教先生安焉南面據臯比進諸弟子而旅試之甲可乙否悉當其衡有篤志好脩者

左右推轂惟恐不克其或棄禮屑越卽筐篋在門勿納也邑弟子二百餘貧不能修羔雉者強半官此患苜蓿不飽率不免仰濡沫於邑令先生恥之終未有以竿牘一及偃室諸生中有爲權胥所陷弗當其辜且數年矣至先生始爲白之而誣之者輸罪其矯弊救正又皆類此所謂師嚴道尊文行交勸不負師儒之責者先生其人與大約先生之學以醇正爾雅爲主論文者推宗焉其爲人清真不事藻飾與人交志伉而氣和貌嚴而心惻故所至上下交譽未三年陞中都之太和令以去士類至今思之人謂自古稱師道之最者無如胡安定之教湖州先生其產也豈得於安定之遺爲獨多耶抑其信道之篤而見諸樂育者如是其誠且渥也是不可以無述已先生紀姓諱縱羣字眾甫別號馮闕湖州之烏程人

余懋儼字意行浙江海甯人崇禎七年由舉人署學

事爲人雋爽英發好獎拔後進在任創立文社後  
歷陞連山知縣九江府同知

鄭士奇字雪子浙江嘉興人崇禎十年由舉人署學  
事性古樸人不可干以私嘗善詩與邑令陳侯函  
輝多唱和後陞興國知縣

國朝

何世祥字興侯吳縣人康熙二十七年由舉人任幼  
稟殊資九齡能屬文弱冠登賢書品行卓犖士林  
藉譽秉邑鐸者十餘年問字執經幾無虛日生平

博學工詩風華典贍有仙桂堂集十餘卷行世

白尙質金壇人乾隆五十七年由舉人任博極羣書  
能以古文爲時文狀貌短小精悍拳勇過人同時  
文武皆敬憚之學中兩生納賦見怒於縣胥陷入  
囹圄尙質剖陳郡守釋兩生縣胥獲嚴譴士林德  
之以憂歸服闋補泗州學正

張福謙字蘊山泰興人乾隆癸丑進士改鳳陽府教  
授逾抵任期左遷靖諭和平樂易被其教澤者如  
坐春風中嘉慶十七年丁內艱歸道光元年復補

泰州學正值續修州志福謙總厥成人稱其有良  
史才越數年卒於任

訓導

明

陳安字秀林福建晉江人萬曆八年任言語行誼綽  
有古人風時邑令某頗作勢虐士安每多方委蛇  
令爲之稍戢士愈德之爲立去思碑

趙時中穎川人萬曆十三年任恬退有守未嘗見其  
嘖笑越三年陞黃安諭

董一經崇明人萬曆三十二年任清真岸立在署惟  
焚香煮茗危坐終日晏如也三年以艱去

劉一科廣西人萬曆四十年任古貌古心遇士以禮  
時稱爲長者

施遂翀字羽循華亭人美丰儀善談論詩古文詞追  
蹤前哲學使者首薦未幾卒於官

丁嘉遇安徽穎州人天啟四年任致仕歸後流寇犯  
穎同張鶴鳴殉難題卹可謂不負所學矣

國朝



孫泚如六合人順治八年由歲貢任博學多識長於  
古文九年邑大旱高侯攀龍捐俸鑲發賑泚如亦  
捐穀數十斛繼之全活無算陞含山教諭去

于元瑾字懷鍾江都人由明經司訓鳳陽康熙庚午  
秉鐸於靖講學論道多士景從著有韻閣詩集行  
世

陸鼎字禹倉奉賢人乾隆十一年由歲貢任崇尙行  
誼所造就多佳士以重聽乞休

葛遇澍安徽當塗人乾隆二十七年由歲貢任仁厚

謙謹古道照人未嘗疾言遽色課諸生文藝不計  
脩脯士林重之

劉世暮字仿魏寶應人乾隆四十五年由廩貢任教  
士先行誼而後文辭每月督課甚嚴平爭訟助困  
乏歲辛丑邑被風潮學田盡沒捐俸給諸生膏火  
乙巳奉檄往荆溪賑荒事皆核實無稍徇縱朝夕  
饗餐惟自携糗糒而已未幾引疾歸卒祀鄉賢靖  
祀名宦子台拱乾隆辛卯舉於鄉任丹徒訓導亦  
祀鄉賢台斗嘉慶己未進士歷官江西瑞州府同

知孫源嚙字容舟由道光壬辰舉人復司教於靖  
爲人溫厚待士如親子弟新進諸生贄儀不計厚  
薄戊申學田亦沒於風潮詳請蠲緩自奉薪水不  
給典衣繼之克繼乃祖廉儉風任五年卒於官

王鳳韶字南垞長洲人道光元年由舉人任少承庭  
訓工詩文襍藝儀容言語具名士風流嘗優待寒  
俊飲食教誨始終不倦在任四年卒於官

葉堯萸字朔生吳江人咸豐元年由歲貢署學事居  
官質儉精堪輿術相官堤外開新巽河以培文運

佐齊侯在鎔濬諸河港駐於工次數月雖勞瘁不  
辭逾年以瓜代去

靖江縣志卷十三

人物

昆陵稱人文之藪靖雖僻處一隅然川嶽鍾  
 靈理無偏異出其間者或懋績於王廷或姱  
 修於下里貞女義士殉節忘身騷幽人摛  
 辭炳世均足表儀範於當時樹風聲於來禩  
 者也雖南金和璧不盡蒐羅而第就耳目所  
 聞見者摭而存之亦大畧可觀已志人物

宦績

明

朱容字德觀元兩淮運使忠七之子生而秀偉博學工書自泰興徙居馬洲洪武初郡縣以才行舉進四策一曰定禮樂二曰正風俗三曰嚴經畧四曰尊賢才上嘉納之擢知臨江府事初陳友諒據南昌旁郡騷動容至悉力撫綏一郡大治陞吏部侍郎卒於官福清葉相國向高爲作傳兄安二由薦辟歷官揚州府知府從弟安七另有傳

鞠斌字彥文好學博工詩文洪武間薦舉授鄆州

知州陞延安府府所在多惠政

劉敬字以莊正統間以薦授青田知縣撫字有方課江西萍鄉知縣政績尤著弟讓字以順代兄任青田人嘗稱大知縣小知縣云兵部尙書光濟卽讓元孫

朱暹字明遠以字行其先太倉人洪武初徙居馬洲今之城西七里長安圍以人才薦授湖廣城陵磯巡檢豪民龐道窩逃軍暹就其家捕獲之道以爲讐當時國法官不職者許地方耆民挾縛至京道

挾此縛暹在途遇錦衣千戶張某廉得其情併道  
縛歸法司得直事聞賜鈔二錠陞政和主簿卒於  
官

周玉以人才薦知浮梁縣有治行識戴珊於髫年使  
讀書署中玉歸里珊爲江南督學御史辟駿從來  
訪玉與妻方曝簷下諦視知爲珊呼其妻曰戴秀  
才來可設雞黍留之問今何官答曰御史珊欲割  
俸爲治第宅辭不受繾綣而別

朱紳字舜文居馬洲今之城西隱山團秦府紀善安

七曾孫當未建縣時舉成化元年乙酉鄉試爲科  
日之始任南昌府通判清糧弊出冤獄人尸祝之  
致仕歸闢圃自娛自號多竹翁正德間南昌饒公  
按吳追思德政厚恤其家

劉乾字克柔號毅齋宏治己未進士授戶部主事遷  
郎中出督邊餉者五所至得將士心薊州有生祠  
累疏言邊事切中利害逆瑾嫉其亢直使人縱火  
燒屯糧馬草坐罪逮繫瑾誅事得白改兵部武選  
司釐正選格請托不行嘉靖初擢南京鴻臚寺卿

秩滿遷光祿寺卿疏請勾稽往牒立條例慎出入  
 復請以本寺煮醪費繁併移北寺為便詔從之歲  
 省費十倍著為令因災異自陳致仕歸卒賜祭葬  
 乾事父母孝備極祿養祭酒湛若水稱其樂道人  
 善不言人短同年倫文叙為作忠孝傳乾後徙江  
 陰子孫亦有居靖者兩邑皆祀鄉賢

明知縣殷雲霄送劉戶部詩二月東風媚遠天畫  
 船不用僕夫牽江流正穩潮平後山色初青兩過  
 前淮海家聲歸正氣雲霄事業屬青年還朝若  
 有民情疏應說瘡痍未痊又三月寒如此海濱  
 春到遲無因芳  
 原鼓角悲

宏贈劉毅齋  
 枝相繆移  
 作賦欲招隱  
 名書仙籍天香  
 淹留粉署賢郎  
 子一非少士林  
 家忽復還江頭  
 昨薊門使館頗  
 足常饌塞北貂  
 團聚消離憂公  
 臣忠子孝願已  
 清淺壽算更進  
 祿歸里詩光祿  
 惟君破天荒大  
 義區區邁等倫  
 水中居君今乘  
 去吾欲與爾俱

王格字文弼居東門內直街篤志好學藉有時名宏

治王子領鄉薦就選南京工部司務時逆瑾用事仕途險媚格堅執素志不緣禍福少阿凡歷再考士論謂其學問有源清介不苟已而擢南京刑部署員外郎尤留心欽恤平恕詳慎權貴無敢干以私者及致仕歸生平足跡不入公府端慎簡重不以色親人有古君子風江陰縣志列鄉賢傳子莘王莘字元聘正德丁丑進士知東莞縣寇發勦之釋脅從四百人建社學毀淫祠懲惡少立保甲法尤密當道檄各屬舉行稅瑞指上供派累州縣抗言

遏止之擢南京兵部武庫司員外郎累遷松潘兵備道練兵恤民築連城設關堡監臨者忌其功告歸

承天秀字鍾之舉正德丁卯鄉試授錢塘知縣當報滿民詣闕請留歷任九載會織造內監畢謀亂期翼日黎明舉發時漏下纔二鼓天秀偵得其實不及聞郡守及仁和令立集兵城上張燈發號防禦完備畢驚急聚眾鼓噪見擁衛已嚴遂解散事聞置畢於法天秀陞南陽同知致仕歸

劉光濟字憲謙嘉靖甲辰進士初任戶部主事權臨  
清別蠹孔幾盡復命行李蕭然值俺答薄都門大  
同勤王師首至廷議遣郎一人餉之敵騎隔絕不  
可前諸曹郎面皆土色光濟奮然請行竟達命雲  
中夜與敵遇躬仗劍先士卒敵不敢逼轉員外郎  
中出守衛輝歷遷山東浙江江西福建藩臬在浙  
時甬江趙有家人匿袁相國第光濟令人捕之於  
第中袁諷臺諫露章劾之徐文貞多其風力置不  
問在南贛值大旱爭水利者各數千人撫臣以反

叛聞光濟單騎往諭眾遂解散晉秩都御史巡撫  
江西行一條鞭法奏聞通行天下事載會典又拓  
撫萬洋山賊數萬所全活甚眾召爲南京戶部侍  
郎改吏部再晉南京吏部尙書轉兵部參贊機務  
時江陵奪情議起僉都王篆約光濟首唱合疏光  
濟獨不署名曰天子留相國以情我曹當持之以  
禮江陵聞而銜之嗾御史曾士楚論歸累薦不起  
光濟生於靖江移居江陰每歲北渡省祖父邱壟  
與族人合食人多稱其孝義生平著述多散逸不



靖江縣志 卷十三  
傳江陰縣志列鄉賢傳子紹宗廕監未叙

范永齡字德徵與邑中范氏同出宋文正公後以貢薦授浙江新城令先是新城有巨鐘懸而不鳴邑讖云若要寺鐘鳴須得邑令清永齡至而鐘鳴後築城掘得古碣文云城當七百年後邑令范永齡造之紀年以唐適符其券邑故多虎至是屏跡枯竹枯柏俱重生蓋其居官仁恕立法詳盡足垂永久平反冤獄多出人意表又嘗被委均田富陽適遷榮藩審理上官固留卒業田賴以均豪強斂戢

流民之從業以萬計既事榮藩日引古禮定世子婚手筆經傳講論不倦尋致仕歸生平事親孝父患疽終夜不解帶析產盡與庶弟復置義田以贍宗族綽有文正遺風所著窮元日稿四卷人傳其夜過嚴子陵釣臺詩云君爲名利隱我爲名利來羞見先生面黃昏過釣臺亦莊雅可誦新城富陽俱有生祠靖邑祀鄉賢子節另有傳

范學顏字思克以歲貢授慶元縣丞地在萬山中往日賊薄城下攻其樓櫓莫敢誰何學顏則選士練

卒待之未幾礦賊竊發據險眾且千百學顏親率  
士卒往戰擒其魁及黨若干人餘皆解散由是邑  
賴得全其他愛民律已清靜廉平尤爲其長張公  
所推適有王官之轉念二人年皆耄不欲以黃綬  
易斑衣遂解組歸邑人朱正初銘其墓從子遇孫  
世楨

范遇字原道父學思名廩生遇承庭訓由歲貢授上  
海訓導甫抵任捐俸置學宮祭器鼎彝之屬學中  
有傅生者爲宦僕所辱邑令偕司教與其主有年  
誼曲庇之遇獨正色嚴呵得置其僕於法又有艾  
生以家難決平於郡丞朱公勳知其宰靖江日遇  
有通家之誼餽百金請謁遇却之曰此非知我者  
無以阿堵污我逾五年遷浙江桐鄉教諭有沈生  
家甚饒四昆俱列冠裳家有繼庶事發求保全而  
遺百金遇繳縣以建岑樓未嘗染指尋遷鳳陽府  
教授生徒貧不能自存者隨力助給出見道左飢  
人設厰治糜以濟間有道殣輒憫而瘞之及轉王  
府教授遇無曳裾意遂歸

范世楨字獻吉幼承庭訓家學淵源舉萬曆丁酉鄉試赴庚戌會試總裁葉相國向高稱賞其文副考某以論中有侵時語落乙榜官壽州學正五年陞湖廣羅田知縣民困於辦解之役世楨請於兩臺附漕舟起解費省十之八九著爲例羅田近江多盜世楨嚴保甲而盜弭民喜訟辭多不實世楨取誣告加等律治之無情者不敢造庭有寡母之子家素豐豪監某誘侵其業被母訴繫獄請以千金求貸世楨不許悉歸誘侵寡子之物而置豪監於

法著羅川末議二卷足爲良有司法天啟辛酉陞廣平府同知在任三年致仕歸初世楨鐸於壽州諸生方震孺游其門聯捷成進士以御史按遼陽魏奄之黨郭興治誣劾其贓私獄上坐大辟思宗御極釋之歷官廣西巡撫北都陷率師勤王被馬士英敕還鎮憂憤而卒當世楨去壽州日誌思碑其所撰也

明壽州方巡撫震孺范乾修先生誌思碑乾修范先生者慈惠師也先生家靖江自辛亥歲奉命來署我壽庠事是時孺方在諸生中一見輒異之每課藝成諄諄受先生指點遂聯捷成進士去先生

師於壽五年矣其慈惠風教淪洽諸生諸生咸戴  
 之今年春例得偕計吏上春官諸弟子員賈生以  
 正鮑生養吾范生宏彥等三百有奇義不能為攀  
 卧計咸謀勒石以誌所思孺弟震仲輩俱以藝陶  
 鎔於先生久矣乃僉徵言於孺以孺辱在門下知  
 先生深也先生賦性方正言論侃侃於人不能遜  
 然衝口所吐發必臍腑竟而已已則默若不能言  
 其貌質樸其學淵涵居語曰廣文之於弟子跡則  
 師生情則骨肉也官廣文而擢我弟子者賈人也  
 好使氣而凌我弟子者福人也即不摧不凌而屯  
 所有於諸弟子之緩急者忍人也為之設徒課業  
 讐史質經向者學無師承今且要與聞也沈深  
 勤施之致時時出格外如弟子貧不具鐫管方慮  
 無以糶先生先生且有以需之悉使之畢其業會  
 他邑令方脩睡毗以盜賊坐誣我青衿度朕就子  
 莫敢枝梧先生獨力鳴其冤青衿遂得度朕就子  
 舍他如拔淹蹇之士習核文體之孤禪緩新進之  
 羔雁獎四方之節義周勸益之貧喪尊學宮之傾

地春温以對察案豁達以  
 州大夫至不輕一刺以煩大夫之記室儼然有文  
 正公之遺風焉緣是景慕於行素先生超然節義  
 之思其辭曰廣文冷官艱於行素先生超然節義  
 是樹山之教而示周行思先生之好而披情愫思  
 先生之甘雨而惺勾芒思坐先生之春風而渾喜  
 怒思先生之甘雨而惺勾芒思坐先生之春風而渾喜  
 廉潔而嫵美乎振鷺思先生之青衿思先生之崇  
 江思先生之離臯比而不忘卜務惟先生之獨醉曲  
 程惟先生之德是慕先生自此升矣其永奉此石  
 為先生之杖履先生范姓名世楨字獻吉號乾脩  
 治詩經登萬歷丁酉科賢書後成會試副榜伯子  
 面奎字文開由鄉學入成均亦遵庭訓飲人以和  
 有太邱風  
 因併記之

朱家楫字仲濟居邑廟西里舉萬歷己酉鄉試初署

黟縣教諭丁內艱服闋補江浦諭陞永豐知縣多  
惠政意主愛養休息不務赫赫聲立鄉社問疾苦  
平賦役慎出納日用簡樸如寒峻著俗吏惡趣三  
十首以見志會憲檄責逋甚亟不忍以小民身命  
博美官卽欲解組去以大計不獲請尋因厨傳得  
過貴人論調遂投劾歸裝仍敝筐儲殘書數千  
卷而已少與兄家棟弟家模家棻講論相師友各  
以清節砥礪不問生產生平澹於聲利喜愠罕形  
讀書懷古嘯詠自適終其身所著夷白齋稿行世  
趙侯應旌延主修志徵文獻也長子士驥字逸卿  
邑諸生仲子士鯨字爾京邑諸生善畫山水兼精  
篆刻俱早卒嗣子士鯤另有傳

劉文棻字應程居南門內由選貢授四川什邡縣陞  
雲南陸涼知州兩奏最封父元永如其官再陞廣  
西梧州同知歸於里在什邡革羨例清夙蠹建學  
宮修邑乘力爭採皇木之檄獲免者甚眾在陸涼  
當漢夷雜處土酋肆螫善招撫懷輯之築城衛民  
布置廬舍荒陬漸成膏壤在梧州以才守爲上官

所倚重前滇南土官修卻金之郤中蜚語論調時  
父與母陳宜人俱在堂文牋年逾艾歸稱八十壽  
觴始終孺慕里黨頌之爲人美髯眉善談論篤於  
故舊姻族與朱家楫纂修前志趙侯應煥有序年  
六十九卒平原彭期生表其墓子士燐字太乙以  
諸生入國學抗直不苟志行卓然士炎士焜各有  
傳

朱維炳字啟明以恩貢授河南浙川知縣爲政寬仁  
字下不獵聲譽每進父老咨民疾苦革常例禁火  
耗日用薪粲與民間並價聽斷立剖無科罰集諸  
生說經義月兩課定甲乙加賚以示鼓舞歲旱蝗  
起露禱三日甘雨如注蝗亦盡滅秋穀稍歉收爲  
之請賑發粟計口均分更捐俸設粥邑東門外以  
食餓者上臺交薦緣中蜚語解組歸築一椽屋以  
居洋洋自得有叔皆少年朔望必謁其廬而揖交  
友無面諛亦無背非內行尤飭常以早失怙恃未  
獲盡養爲歉享年六十有九從不受子姓之祝鄉  
人奉以爲式

朱大果字君行初官藩掾陞高州別駕有廉能聲左  
遷王官歸吳相國宗達誌其墓

朱大桐字君暘汀之子由廩生例授海盈縣丞却常  
例蠲繁費盡力民事築海塘石岸數十里商民尸  
祝之以執法忤當道遷王官歸仍理舊業手綱目  
一編不輟精堪輿家言爲人忠厚馴謹里中推爲  
長者九與賓筵卒年八十有二

陳世治字同叙善之子爲諸生有膽敢言游國學歸  
凡遇邑中劇役無不身任其勞援例爲聞喜簿居

官勵清操釜幾生塵民有以揭致賄者裂而答之  
邑令苗思順歎爲不可及

孫同倫字汝明居南城內舉萬曆辛卯鄉試中丁未  
會試乙榜初任江西德化縣令捐例金蘇驛困築  
封廓桑樂二洲石堤百餘里更置石閘以時蓄洩  
至今賴之遷湖廣荆門州牧豁羨丁出寃獄開誠  
布公得士民心轉山東濟南府同知駐廣甯掌馬  
政諸豪猾賂權要以羸馬獲善價倫乃除其積弊  
西夷虎墩兔瞰諸部擾邊索撫賞甚急倫乘傳往

蘇杭市其縉帛之良以給西夷部眾皆悅服加運  
同銜署分巡道者三會遼瀋失守諸武臣各奔竄  
倫獨固守廣甯誓與城存亡士卒皆奮起彎弓願  
效死赴敵敵聞之引去當事者嘉乃績力疏薦之  
命守江西南安府其地東連嶺表粵夷蠢動諸如  
繕城濬隍修具飭備靡不先事綢繆岷然屏翰郡  
邑俱建生祠其士大夫各有賢父母賢公祖之稱  
陞雲南屯田水利道清屯地嚴私鬻開金銀計二  
河資其灌溉滇民尸祝不忘又轉本省曲靖兵備  
道參政兼攝鹽法錢法驛傳諸道莊烈帝卽位入  
賀以老疾告歸杜門掃軌履跡絕於公庭雖至親  
罕睹其面生平修謹繩尺自持不苟言笑歷官二  
十餘年四拜恩綸卒年八十有七崇祀鄉賢江陰  
張宮保有譽銘其墓母張太淑人以節旌載列女  
志

國朝

劉疇字尚中居石皮街父熙學孝弟有家法晚慕喬  
松之術導引爲長生疇自幼博學能文見賞於令



長陳忠節公與蕭公松齡爲鄉榜同年順治丁亥  
成進士授福建建安縣知縣時道路猶梗從大  
兵而南數十戰始達建安其地新隸版圖人情驚  
駭惶惑流亡者眾幃鎮撫安集之招農使歸慰士  
使出兵吏執長髮民解縣將置大辟幃陰驅獄卒  
薙而來前全活十之八九烽火連年齒豁蔽野幃  
撰青詞哀弔悉爲掩埋有偏師過邑城叫囂索餉  
幃罄所有給之趨而謁其帥具言民困庫空長吏  
命盡於此請待罪行間取進止諸大帥感其誠尅

期就道絕不聞喧聲縣廨燬於兵至是捐俸重建  
以次修黃華山書院與諸生講貫其中絃歌不輟  
又數從邑長者咨詢得失開懷傾倒人亦盡言以  
告其德政皆此類尋去官歸孝養兩尊人克盡愛  
日之誠恂恂鄉黨間不以賢知先人生平抱負多  
見於詩歌治績載一統志卒年七十蕭學正松齡  
誌其墓子鑑銘

劉鑑字武敬居南門外半里許孝友重然諾有泉石  
癖築園於宅旁顏之曰辟塵花竹秀列林鳥依人

由歲貢授魏縣丞攝灤州篆丁艱服闋補涪安縣丞皆有政聲晉階當得令長時耿逆畔所至騷然鑑招撫投誠官日六千有奇 大兵雲集餉芻甲仗解運無虛晷積勞成疾而卒是真能以死勤事者嚴州紳士有輓歌數十首其自爲詩如東甌雜詠有云我獨勤王事邊烽處處愁山村刁斗夜驛路羽書秋月色移高壘笳聲響戍樓枕戈原素志誰爲借前籌力追盛唐風格子汝宸另有傳

劉銘字武勤居東水關之西少明敏沈默有經濟父

幃宦閩中代綜家政與人交和霽可親接之者如飲醕醪南闈屢躋以歲貢司泚水鐸嚴立課程人知勵行丁內艱服闋復補泚水嘗葺學宮與修江南通志垂十年陞河南鞏縣令郵滯獄清浮冒加意文教貴人請託不行時稱循吏焉生平善事二親篤友于同母弟璠字武南歲貢考選訓導生平工舉業尤長於古今體詩著有存書樓集其詩力追三唐與銘所著梅隅集相頡頏庶弟如金字武頌若金字武弼銘教以讀書亦恂恂儒雅自少能

文後如金由歲貢司訓霍邱若金食餼於庠得銘  
啟迪之力實多

朱鳳台字慎人居布市鄉賢應鼎之二子舉順治丙  
戌鄉試丁亥成進士令於直隸阜平甫十月調浙  
江開化縣開素多盜報警無虛日親往招撫勸諭  
歸農其怙終不悛者則督率壯勇捕之置諸重典  
盜遂平招集流亡開闢荒田萬餘頃徵歛以時民  
皆樂業值歲灾歛捐廉助賑勸富戶資借採買平  
糶飢民賴以全活立程課士振勵學校人文日起

辛卯充浙闈同考官得士甚盛倡修學宮城垣解  
宇倉庫橋渡一律更新開父老爲建生祠以奏最  
擢兵部車駕司主事告歸終養偕邑紳士請增學  
額定鹽課均漲坍 國計民生俱便嘗創惜字庵  
建育嬰堂捐資以充經費又置義塾義田義塚五  
舉鄉飲大賓鄭侯重延修邑志享年八十有八卒  
祀鄉賢著作載藝文志子十一皆登仕籍第七子  
廷二另有傳

蔣中和字本達先世遷自廣德居西鄉隱山團舉順

治辛卯鄉試王辰登春榜乙未成進士授河南蘭陽令蘭陽地濱大河明末遭流寇邑爲灰燼及中和蒞任除雜派撫流亡清地畝闢荒土杜欺隱詭寄之風抑豪強鋤奸猾省刑薄賦民屢其德蘭民向以越境治河數至困憊中和至請專治境內弗勞遠役省工費而紓民困公私便之性持正無所阿附有諸生某以驕倨獲譴郡守憐他事將置諸理飭屬同訊中和得其情徑解其桎梏使去庚子充河南鄉試同考官得士七人尋以原籍逋賦左

遷滄州別駕部使者閱河佐貳官例持手揭膝行報銜中和以常禮迎謁雖被叱弗顧辛亥署肅甯令除歲終公費之例其他裨政多所湔剔復至滄河決耿家埠缺口旣塞以終養告歸客游宣皖數載卒於家著有半農齋文集行世

侯模字曰範居城西北十二里孝廉溥之次子順治十一年以拔貢授山西高平令其俗好訟輕生無情之詞至不可究詰模自守清廉遇事皆虛心研鞠期於息事安民甫一年訟獄衰息太行沁水之

間愛之若慈父母焉尋丁外艱紳士籲請借寇侯  
代嘗手書治泫畧一卷皆自道其平反諸讞及水  
旱告神諸青詞爲有司式泫人兵部侍郎李棠馥  
序之

楊超原名小赤字端夫居東門外宋家市楫孫光輔  
子舉雍正乙卯鄉試乾隆丁巳成進士授四川西  
充令因俗成教民莫弗悅時金川不靖前後闔寄  
率以剪滅爲期迄無成效超熟察番情上三策於  
經畧傅文忠公公納其議奏凱一如所料尋擢瀘

州直隸知州護永甯道事州有好僧誘匿婦女訶  
得之罪僧而毀其廟有孀婦家日見怪異聞於官  
往勘之爲文以告怪遂滅時母氏年逾八袞告歸  
終養服闋之川攝天全州尋復得瀘州士民歡聲  
若雷數年致仕歸卒年七十有九生平善屬文兼  
工書畫遺蹟惜不多觀子師敏附貢生觀敏國學  
生頤敏另有傳

朱馥字昂干舉乾隆丙辰順天鄉試授直隸廣宗令  
吏治精勤爲上官所器重調劇邑得順天之武清

興利除弊有政聲弟馨字捷三乾隆甲子登副榜  
教習期滿令浙江建德縣調仙居慈惠得士民心  
兄弟作令繼前明之劉敬劉讓以二難稱

劉枝梅字惟和居石皮街建安知縣幃曾孫崑山教  
諭方沛長子也乾隆辛酉舉順天鄉試戊辰登中  
正榜授內閣中書充本裕海運諸倉監督性廉介  
時大學士諸城劉文正公武進劉文定公俱器重  
之薦擢湖北荊州同知佐郡數載如在中書時有  
夜饋人葭者價值八百金求其一言枝梅卻之曰

昔楊伯起凜四知我亦清白吏毋污我充戊子庚  
寅鄉試同考官悉心校閱以得士稱辛卯充內監  
試主司推爲勤慎卅任數年卒囊無一錢郡守推  
麥舟之誼旅櫬始得歸子人驥邑諸生次人驥邑  
諸生能書次人鴻增貢生

鄭忬字羲民一字前邨家學淵源文筆高古簡貴未  
弱冠補諸生試輒前茅由選拔舉乾隆甲子順天  
鄉試戊辰會試第一改庶常授儀曹歷官清職充  
琉球貢使館伴同考順天鄉試提調會試與修通

禮轉鴻臚寺少卿出守湖南永州清理冤獄合郡  
稱神歷署衡州府衡永郴桂道皆有善政調補永  
順威惠並行苗民德之後以衡州任內事鐫級遷  
刑部奉天司員外郎二年卒於官忤性孝友篤於  
親黨居官廉靜家無餘貲常以公正持大體雖忤  
上官指亦所弗惜論者謂其有古循吏風元和姜  
巡撫晟嘗爲之傳弟忻字漢封庚午副榜官雲南  
羅次縣知縣仲子錫琪孫汝昌汝英各有傳

朱懋德字調梅前明吏部侍郎容裔孫增貢生沐少

子生而孝友援例入仕籍歷官直隸完縣長垣縣  
山東夏津縣長清縣知縣所在多惠政民皆去思  
每遇災祲尤悉心賑貸其餘墾旗圈田令民墾科  
執業免歲解蘋婆果之役修輯縣志塞荆隆決口  
請免徵解銀千兩捐廉贖膏火田以充書院經費  
徵糧蠲合勺之零勸耕免牲畜之稅除解京之濶  
布免僱運之腳費實惠及民不勝枚舉前後在任  
十餘年引疾歸里造家譜飭祭品置義田垂家法  
甚備卒年六十有八青浦王侍郎景爲作傳子煦

照勳孫垣另有傳

附長清縣朱侯去思碑侯諱懋德江南常州靖江人  
人以乙丑歲莅任清於吾郡號劇邑侯才技明敏  
性復坦夷下車理贖雲深電決雷厲風行稱神明  
焉暇則進耆老問民疾苦興利除弊即以忤上官  
不顧首屏公帑之羨餘禁衙隸之需索政簡刑清  
晏如也先是邑有被累之事不知作俑何人歷官  
相沿侯憂累民遽革之遂不啻倒懸之解其所以  
惠我元元而赤子保之者類如此正相與樂公之  
廉服公之明沐公之仁仰公之慈而公竟以疾去  
官矣去之日邑民遮道扳輿泣數行下無已將其  
善政勒諸石以垂永久焉因索余言以紀之贊曰  
公作清牧羣歌孔邇茹蘖飲冰一清如水釐奸剔  
弊興廢修圯均徭薄稅化臻上理視民如子疾惡  
如仇霖雨肅霜克剛克柔維茲清邑紳庶蒙休願  
效華祝累世公侯

朱煦字育資以國學生應順天鄉試有文譽例選刑  
部員外郎有旗主某私其僕婦坐僕以他事當發  
遣煦察其寃白於堂官遂釋僕轉戶部郎中出守  
浙江紹興府息訟安民鋤奸植弱惡少刁衿蠹胥  
猾吏皆聞風斂跡合郡稱慶其平反寃獄尤出人  
意表屬邑賈人陳姓者當下弦後二日適他出未  
歸盜戕其子於宅東隙地攫肆中金而去鄰人駱  
文達指證殺人者某某其所著衣色從樓上望而  
識之縣以囚上煦察其寃如其日期夜中擇駱所



素習三四人立死所令駱登樓指辨某某駱竟語  
塞乃盡露其誣扳狀受寃者遂得雪延烏程孫太  
史人龍主講戢山書院捷鄉會試者踵起鼎甲王  
公增卽所識拔士也海甯塘工石出於羊大兩山  
親往監採絕需索之弊秋雨成災順水利導民無  
魚鼈之患賑恤災戶全活無算承辦

南巡大差

眷遇極隆嘗念其父春秋高引疾歸丁外艱後無復  
宦游意卒年五十有三杭州盧學士文昭爲作傳

朱照字鑑資弱冠補諸生試輒弁其曹援例授四川  
重慶府同知專司船政先是蜀船省工料運物至  
荆漢時有意外虞照獨採堅木指畫匠役如法造  
作凡數年無覆溺事江北舊隸巴縣民間訟獄及  
輸將事苦涉險照請於上官以江北隸丞壇廟倉  
庫之屬以次勅建又置齋舍籌膏火延師主講由  
是巴峽文風日振設養濟院以活餓者皆捐俸辦  
絕不累民蜀中多外來無賴往往以健訟逞照發  
奸摘伏人驚爲神或以睚眦相告訐則反覆開導

皆感泣去上官察其能委駐西藏支放糧餉民夷  
罔有弗率遷叙永直隸同知地當滇黔之衝差務  
絡繹照率屬以正無擾無驚循聲日益著丁外艱  
歸經江北士民泣送者以萬計服闋入貲以員外  
郎註銓籍卒年六十有五江甯秦撫軍承恩爲作  
傳仲子基緯季子基純各有傳

朱勳字晉階國學生兩赴北闈未售援例官陝西佐  
貳未幾令咸甯牧乾州守同州府從提督柯公藩  
平教匪於將軍山及安嶺等處以軍功 賞戴花

翎奉檄總理糧臺調西安府賊目張漢潮竄洋縣  
之華陽工部尙書那公彥成督師勳議令南山居  
民築塞使賊無所掠食絕必就誅那公然之奏擢  
延榆綏道調陝安道經畧大臣額公勒登保生擒  
首逆王廷詔檄勳解赴京師交部議叙擢陝西按  
察使甯陝鎮新兵乏食勳往南山買水旱田十二  
萬畝有奇或給兵種或僱民耕有屯田遺法擢陝  
西布政使值平原州大旱兵糧告匱勳委員往山  
西托克托城買米運自黃河以濟軍食時丁母氏

顧太夫人艱遵遺命歸葬於浙江錢塘之西溪遂隸籍焉服除仍補陝西布政使榆林府屬神木府谷二縣大旱親往籌辦賑恤事宜及擢陝西巡撫岐山縣亂民楊二等在三才峽起事督兵挫賊鋒於袁家莊追至鄠縣西駱口賊乞降遂平奏陳善後策五條得

旨先行署陝甘總督以失察改授三品卿致仕卒於杭州盧制軍坤爲作傳道光三十年 國史館咨催吏部查勳列傳事蹟冊纂入劃一大臣傳初勳

讀禮來靖籌義項以贍族人出資開五大港濬團河後在巡撫任聞江坍逼近縣城致書兩江總督百公齡會同撫河二院籌款築堤公暇勤於著述詳藝文志子四長瑩候選知縣早世次璟刑部郎中三象奕廣西義甯縣知縣四理六品廕生嗣孫金質兵部額外郎中

朱垣字嗣曾煦長子援例授長蘆富國場鹽大使丁外艱服闋改發四川署丹稜縣事嘗從征西藏廓爾克著有勞績乾隆六十年湖南永順府屬苗匪

滋事明年嘉慶建元又有白蓮教起蔓延於川陝  
黔楚間垣奉檄委辦糧臺以軍功題授鹽亭縣知  
縣積勞成疾卒於川楚營子銜候選縣丞匍匐入  
川扶柩歸經畧大臣以聞 諭祭葬廕一子入監  
肄業 賜祭葬銀一百六十兩崇祀丹稜縣憫忠  
祠弟基綸附貢生考充方畧館膳錄議叙州同基  
縉增貢生候選通判恭獻詩冊 賞給緞疋銀兩  
基繹布政司理問銜基綬候選兵馬司副指揮  
劉洪詔字龍頌祖以瑞父廷正皆以明經世其學洪

詔學優人粹乾隆乙酉受知於督學梁文定公以  
拔貢考授直隸州州判需次數載得雲南之廣西  
州其地有高來山盤江之險苗蠻族處頑獷難馴  
洪詔分防五槽示之以嚴撫之以寬三年奏績因  
母年八十告養歸士民攀轅泣送者不可禁止卒  
年五十有三子樹棠附貢生候選主簿樹棠附貢  
生斯琴候選從九品

顧天駿字崧如習詩文兼善騎射壯年入都由國學  
中副車考充 武英殿校錄乾隆庚寅舉順天鄉

試議叙得湖南之淑浦令蒞治勤敏案無留牘民  
大悅去任餞送者甚眾旋里後優游林下二十餘  
年與修邑志稿文獻足徵諸子孫以讀書世其家  
陳桐字晉封元初徵士傑裔孫生而雋異具宏博才  
沈酣經史外兼通靈素青烏子平麻衣遁甲演禽  
諸書丁酉選貢赴庚子北闈已擬南元因對策一  
字訛落副車由四庫館校錄議叙分發山東補高  
唐州州判歷署泰安縣丞博平知縣沂州府通判  
所在有惠政先是 衍聖公府田被民隱佔桐奉

檄查理獲田數十頃當事將罪其民賴桐力爭得  
宥民尤德之居官數年念二親年老請終養不獲  
引疾歸克遂烏私先後居親喪哀禮備至後以風  
痺臥牀十九年猶以著述自娛弟楠字晉庸附貢  
生捐金助賑議叙主簿子鳳階鳳朝另有傳

劉重字宮度建安知縣疇裔孫明經人鯤長子也少  
承庭訓補諸生食餼乾隆壬子舉於鄉乙卯成進  
士官安徽潁州府教授丁內艱歸服闋補安慶府  
教授諸士人肄業書院有膏火資前教授爲監院

給發沿剋扣習重清白自矢不染纖毫初巡撫彭齡以保舉知縣註銓籍遂去任越十年選山東新泰令邑有衛千戶某被人訐陰事懼獲咎餽八百金重不受及詳郡太守勘語仍保全之莅任二年勤聽斷善平反閭邑呼爲青天道光壬午科充鄉試同考官一時以得士稱調郟城值飛蝗過境躬親督捕戴星出入者月餘積勞成疾卒弟莊坊俱邑諸生子鏗國子生候選從九品

朱楚金字雲初祖照四川叙永同知父基級附貢生

例銓戶部主事廣西司行走逾年請假歸楚金旣游庠循例入部曹仍籤戶部公餘課舉業兼習鶴射扈 蹕木蘭較射 賞戴花翎補戶部福建司員外郎轉四川司郎中 欽差寶泉局監督道光十二年京察一等出守江西撫州府屬多滯訟秉公決遣合郡稱神時宜黃縣會匪邱三百斤等聚眾滋事奉檄訪拿會同營弁往獲五十餘人解省擬罪有差上官器其才保舉題陞有日矣惜以疾卒於任伯兄維鏞早卒楚金次子葆源嗣仲兄振

金季弟錫金皆承母志好施與邑中公事悉出重  
貲爲梓鄉領袖而大稜之歲於捐助大賑外另設  
粥廠以濟餓者子三長浚源次葆源次通源皆隸  
仕籍

褚登字聲倍一字宣臺由庶常出知直隸涑水縣事  
差務絡繹厨傳供億悉出俸餼吏治明敏時當報  
績丁外艱服闋謁選揀發福建署長樂縣事有劇  
盜殺掠縱橫前數令皆不敢過問登下車廉得其  
情甫視事卽率健銳壯勇詣剿盜恃險抗拒登厲

聲咤壯勇奮力擒剿格鬥移時誅鋤殆盡境內獲  
安上臺奇其能調署漳州石碼通判判事如流威  
望益著道光乙未丁酉充鄉試同考官得人多清  
俊題補同安知縣縣境遼濶民情獷悍每小忿輒  
械鬥毫無畏忌登至欲湔洗而鼎新之乃募壯勇  
數百並設偵者四路密訪稍蠢動卽率壯勇親詣  
彈壓愷切勸諭務令改悔有不率立即挈獲重懲  
不貸在任三年其風稍息所全民命不可勝紀調  
任閩縣治劇理繁幾忘寢食遷福防同知勞績懋

著署漳州府事甫年餘丁內艱束裝旋里歸航輕便讀禮家居不問外事年六十卒於家

朱品金字貢三道光壬午科順天經魁乙未大挑知縣分發東河借補虞城管河縣丞以安瀾 賞加同知銜署儀封知縣辛丑淄源漫衍防堵出力壬寅承修開封護城隄工癸卯承辦中牟決口大工不辭勞瘁尅期竣事薦贖頻膺丁未補兗州府河捕通判修治漕河隄工堅固上臺器重方期久任惜逾年病卒子鴻儀河南卽補通判

劉德求字芑園道光壬午科順天舉人乙未大挑知縣籤分陝西厯署留壩同知洵陽知縣著有勞績題補三水縣知縣吏治精明刑清訟簡縣係土城倒塌幾盡倡建磚城數月竣事民情悅豫甲辰恩科充陝西鄉試同考官得人稱盛在任十年功績懋著咸豐初病假回籍民多去思在籍辦理巡防出力獎叙州銜以病卒



忠義

元

陳楚良名天驥以字行居陳公港南徵士傑之孫慶  
 元路教授簡之子也少承庭訓以名節自厲至正  
 時仕南陽巡檢歸丙申避朱定徐泰二之亂舟過  
 平江府適偽吳張士誠據郡道路梗塞游騎四出  
 遇賊兵脅之降楚良抗罵不屈被創死女元奴性  
 尤烈先赴水死另有傳

元潘鵬哭陳巡檢楚良詩吳城倉卒苦遭兵父女  
 借亡血汚纓三世名門生有種一家忠節死誰旌

清江縣志

卷之三 忠義

三

馬洲宅廢煙連樹延慶祠空月照壁  
夙訓阿符應有立百年還看繼芳聲

悲罵寇也

國朝寓公何星榆新樂府曰南陽吏  
陳楚良吏南陽南陽俸米但一囊蕭然棄官還故

鄉故鄉寇擾不可居天荆地棘路崎嶇育女有女  
曰元奴隨爺平江飄風波那知溝壑將委死翹首

吳山發高歌發高歌青年女幽蘭春泣荒郊雨白  
髮翁孤楓秋醉空山霞孤楓易摧蘭易折女及翁

兮陷賊穴賊穴猝陷不能飛如入虎穴脫者稀翁  
呼女曰從不得女呼翁曰逃何歸逃何歸心何謀

雛烏樹上鳴啾啾翁弗生女大慟女誓必死翁無  
憂女死赴水女心丹翁死觸刃翁心寒平原氣節

未足多姑蘇臺上秋風酸女誠烈翁尤義女烈自  
昔有遺祠爺義於今從祀事義氣凜冽果如生請

君視此

南陽吏

明

朱安七字德剛吏部左侍郎容之從弟洪武末以才

德薦為秦府紀善建文時靖難兵起與都御史茅

大方山東布政司鐵鉉誓師過之成祖踐祚戮諸

不用命者遂縲絏以死曾孫紳另有傳

席上珍邑諸生強力有膽識嘉靖乙卯倭薄城人情

惶駭珍慨然率鄉兵禦之邑丞孫京謂日辰不利

宜少需珍曰寇逼門庭何需為領壯士百餘從東

門鼓譟而出殺賊數十追至秦家橋後援不繼賊

返衝突珍仆遂遇害

國朝高公何星榆新樂府曰東門橋 壯殺賊也  
有賊薄東門從橫亂殺人殺人如麻填以坑青天  
白日生櫬槍席生儒家子聞變髮上指團結義勇  
數十名持刀出禦併一死有官戒曰生且避今日  
往亡時不利徐觀賊釁善為圖輕犯賊鋒恐非計  
生言狂賊勢且進若再玩賊氣益震我往殺賊賊  
必去賊來殺我我必慮豫探賊情望賊塵竟取賊  
騎奪賊屯橫殺賊眾賊辟易直殺賊目賊駭奔是  
時生身無甲鎧被創數十血流貫北風慘惡黃蒿  
枯橫刀橋上氣慷慨須臾賊圍退賊兇奮入賊陣  
櫻賊鋒左格賊矛右賊戰前遮賊突後賊衝一步  
一鬪一當上且戰且走勢更急刀折力盡卷空張  
但見仆地還起立命危絕生為壯士把賊殺死為  
厲鬼把賊滅賊滅至今父老言秦家橋上尚有涔  
涔一片血

劉士焜字元之居蘇家港側梧州同知文斌之子生

而孝友個儻多智畧議論風發鬚髯若神博學工  
詩文崇禎時由選貢授涇縣司訓擢知山東蒙陰  
縣事上官奇其才調劇邑得湖廣之嘉魚令遷長  
沙府同知署府篆所至有茂績乙酉之歲羣盜滿  
山士焜方竭力搜捕流寇李錦復以三十萬眾逼  
長沙士焜知一木難支大厦北向再拜遂自刎時  
年六十有四妻祁氏先投繯死家屬四十八口生  
還者八人事載長沙府志兄士炎次子以雅字翼  
言工習詩文尤善顏魯公書法嗣於士焜聞難歷

崎嶇冒鋒鏑得嗣父母遺骨而歸杜門教授以選

貢終鄉人稱士焜為忠臣以雅為孝子蓋定論也

國朝邑人蕭松齡哭前輩劉元之詩先生以何年  
曷月身死南服奄荒忽黃雲轟起西日曛我聞長  
號訴天闕七九之際陽失所金爵晨飛河泗竭故  
宮禾黍哭不可泐漢通流纏百越星沙控扼國焉  
依半壁湖山高聳晚遺臣畧盡有臣靡偏師左次  
心北伐威武定策徵元老甲楯三千連夜發幕府  
纜移鐵騎驕榮陽失守縱公歿斷頭抉眼城東門  
罡風野火留眉髮嗚呼桐野陸處士拾取寒灰出  
幽窟彫陰急景烏亂啼魂魄載馳車揭揭蒼茫回  
首黃陵廟日白窅青長薇蕨朱草條條廟竹班昭  
靈干載墓還兀何不從之  
故鄉為一抔腥土掩貞碣  
國朝邑人蔣中和祭劉翼言先生文嗚呼孰謂我  
公歟忽而化兮於吾道乎無恫夫苟具此修能兮

撫升沈而感慨交同昔當世路之紛投兮拊髀厄  
於九重江左獨偏安兮爭雖蟲以為功飛鳥而尹  
吾邑兮為台山之陳公峻品題以揚士氣兮彷彿  
蜀之文翁亦園先生其白眉兮復解頰而有向中  
君並轡以爭雄兮曾頡頏乎西東余總角其未有  
聞兮無緣御李而登龍感韶華之易邁兮忽冉冉  
而壯志攻胷夫何大廈之將頽兮支一木而復久  
蠹燕雀復何棲兮行喞喞而索哺儼者去故而懷  
新兮競肩隨而改步羣餉禍以相濡兮飛驚鴻而  
夜怖橫中流而叩須孔急兮君狂呼而無一顧稔  
知脂韋之捷得兮孰云貞女而改此度荏苒而嗟  
復不復問兮誰悲谷音之勿賦偃強亦何益兮嗟  
人生之如朝露紛吾既有此內美兮甯守貞而索  
故四盼而白眼何施兮遂甘同夫繫瓠繻史乘而  
悲椽人之禍國兮輒鬚眉其齊怒障狂瀾其何藉  
於空卷兮復掩卷而獨寤余聞風而奮飛無翼兮  
尚躑躅於兩河之當路及脫簪而欲握公之堂兮  
公復厭塵囂如脫兔安得起公於九原兮補苴吾

之闕誤悵泉隧之莫可從兮猶幸為蘿之可依附  
 藐稚子其何知兮聊以舒吾之情懷珠玉藏於夜  
 臺兮誰倚蒹葭而溯伊人之慕徒騷首而悲問字  
 之無緣兮寂寂乎君之五庫或惜君之死牖下兮  
 未得摩霄而凌蒼吾謂君之善養晦兮價不待而  
 何將盍觀乎三湘七澤兮天際泚茫倏中原其逐  
 鹿兮縮為戰傷白骨其纍纍兮誰悲仕宦之失故  
 鄉君先人曾罹此鞠凶兮泣禾黍而涕滄桑招忠  
 魂於溱澨兮泛江波而踉蹌洵蹇臣之盡瘁兮能  
 不讀蓼莪而心傷念箕裘之非一轍兮遂希蹤乎  
 王陽羌紛紛之碩果之徒存兮焉恤夫身後之元黃  
 堪笑蜉蝣之薄質兮畏日月徂而銷削獨不念魂  
 氣無不之兮亦何愛乎死魄所貴乎哲人之不萎  
 今在專精以工寄託悼舉世之相肥兮空羣獨有  
 伯樂道元誠絕唱兮尚假軍裝而磔礪一技亦足  
 以傳兮况乎文章之精鑿驅風雲而役鬼神兮悉  
 繞指以拱揮擢精華溢於紙上兮生氣其猶霍霍  
 此之謂死而不亡兮子雲豈憂夫寂寞余嘗少通

章句兮曾疑涉於糟粕薄支離而高自標兮又多  
 竄於禪學晚而微知所折衷兮惜未邀君之然諾  
 後世誰相知兮定吾文之佳惡悔其獨處兮每  
 當霜飛而木落摩空而墮金聲兮徒羨雲窩之孤  
 鶴亦園先生其遐兮吾公又入復作忽顧思其就  
 牀兮復披衣起而錯愕千秋渾如朝暮兮奚悲予  
 生之落拓獨恠白髮之叢生兮尚策駑馬而離齷  
 弗獲執紼以導君之游兮悵只尺而忽天涯之相  
 各安往而非君之在旁兮君將游乎寥廓或引巨  
 卿以督余兮余誠不解乎內怍亦知小人之有母  
 兮尚未充乎藜藿死生迺見交情兮豈幽冥而遂  
 斲子以款渥謹托絮酒以陳辭兮願君知音其如  
 昨

瞿德毅字士遠邑諸生居南門外醫士介福之孫少  
 英異有卓見好讀書縱酒落拓中年喪其明甲申

聞都門陷輒絕粒不欲生妻項氏慰之毅厲聲曰  
吾目雖瞽心亦瞽乎汝婦人不足語大義速自便  
乙酉 太兵至邑人悉驚逸去毅獨閉門拈瓣香  
北向再拜與妻項氏挽手自經死墓道在故宅旁  
次子先毅而及於難惜其名失考後孫司訓沂如  
爲作傳

朱朝紳字中肅邑諸生居北門外鎮江教授家棟族  
孫交於同邑高孝貽素以忠孝相期許甲申闖賊  
犯闕孝貽起義兵紳慨然有同仇志越乙酉 大  
兵至城下人勸之去紳曰此我死所也何以去爲  
於是儒服端坐獨一妾侍立不去曰君死義我死  
節及被執時趨令薙髮以降紳則願爲斷頭死不  
爲薙髮生與其妾被戮於市

高孝貽字述之邑諸生幼慧喜讀書天性篤孝慷慨  
有爲甲申闖賊陷京師孝貽扼腕悲號曰嗟乎忠  
孝一理此正吾立節効命之秋也大丈夫不幸際  
此安能相率迎馬首拜寇讐乎於是仗劍渡江謁  
魯王於紹興歸倡義舉兵以爲聲援會 大兵南

下孝貽被逮至鎮江箠楚無他辭惟侃侃以君父  
 倫常為重遂斃於獄子驥英字御良時方七歲稍  
 長赴鎮江求父尸哀動途人有義僧某指其藁葬  
 處乃負骨以歸生平好俠有父風其詩歌見稱於  
 世郡人金寓公做為作傳

國朝寓公何星榆新樂府曰潤州獄 子復仇也  
 盲風吹雨撼金焦哀狄夜嘯猿朝號壯士泥首繫  
 獄死中興事業崩洪濤自從明運邁陽九中原塗  
 炭騰狂寇燕京淪沒懷帝亡志士効命恨無救魯  
 王監國詔下頌五千甲楯會稽山東南偏安無半  
 壁方圖恢復濟時艱高子慷慨冠衝髮仗劍出門  
 南向謁指揮願從盪寇軍慟哭拜獻殲仇策陳言  
 臣雖一書生留心翰畧頗知兵能戰須以守為先

天下大勢堪經營南聯閩粵西揚州荆襄洪都控  
 上游列柵沿江五千里連絡骨肉相縹緲大河東  
 西斷賊臂長淮南北乘賊敝然後命將圖燕雲重  
 整山河報先帝無何 天旅南渡河時雨其來歸  
 順多長江失守建康下魯王驚遁浮海波浮海波  
 王亡國臣身萬死夫何恤但恨未克復君仇焉知  
 天命歸有德孝陵風雨泣麒麟秦淮宮殿生荆棘  
 猶見園扉夜月明依舊懷帝在時色潤州獄涕沾  
 臆

姚義士逸其名務農有膽力居西鄉姚家埭東為申  
 家港又東為馬路港其側有大道乙酉 大兵嘗  
 經於此義士聞而往拒持大刀殺數十人及悉眾  
 來擊義士頭將斷猶從木橋以渡西抵其田界始

小尋卽瘞於死所鄉人稱爲斷頭義士墓墓上生  
野藤樵牧者登墓而刈驀然疾作嚙語不絕口以  
香楮奠乃瘞

侯義士亦失名居西鄉務農爲業與鄉兵百餘人持  
械伺路旁 大兵南下突出抗拒悉被戮義士傷  
一臂仆地逾時漸蘇人稱爲獨臂翁諸鄉兵姓字  
無傳又鄉兵五百人應募援江陰與閩忠烈爲夾  
攻計俱戰死城下誌碑三公祠惜未詳其姓字

薛維翰國學生唐王時官福建龍溪縣丞值 大兵

破城翰不屈死家屬無一外還者

國朝寓公何星榆新樂府曰龍溪城 嘉死事也  
王師於鏢定九有福王竄逃魯王走唐 王屏息閩  
東隅獨有龍溪尙城守城頭才斗嚴防 捍誰其主  
者薛維翰無多士卒堪效死有何聲 援操勝算當  
檄定矧汝彈丸安足摧泰山之石 隆車隧敵以雞  
卵與螳臂是不揆力料存亡非獨 逆命昧興廢兩  
露滿天紅雲高爾何爲者甘覆巢 豈有鳴鴉與豺  
虎麒麟在野鳳在郊然而維翰心 無悔爲臣不忠  
死有罪縱使 興朝覆載寬不事二君 義安在先  
帝燕都雖云亡親藩閩粵其勤王 守此孤城知不  
保力竭城破死猶僵一死曾不足 塞責而况馬前  
拜新冊登城慷慨先吏民姑爲我 朝延旦夕且夕  
延心胆堅城陷身死莫救王播遷 播遷莫救臣節  
堅可哀家屬無生還嗚呼可哀家 屬無生還

清江縣志 卷十三 忠義 三



朱士鯤字仲輿居邑廟西里鎮江教授家棟之子嗣  
其從父家楫年十八游庠隨食餼初家棟司常熟  
諭士鯤侍於學署所交盡東南名士工古文詩歌  
令長陳侯函輝修邑志延士鯤爲協纂人以世史  
稱之崇禎壬午由選貢授武宣令其地僻處蠻獠  
中尤號難理親友多尼其行士鯤獨慨然挈妻子  
以往適常熟瞿忠宣公留守桂林與士鯤有舊相  
倚爲重薦之桂王歷吏科都給事中并辟其少子  
澆爲北流令庚寅春士鯤官監察御史偕戶部尙

書吳貞毓等聯名疏劾劉湘客等五臣皆下錦衣  
獄是年桂王在梧州偵知桂林失守急趨潯州轉  
而之南甯以士鯤從辛卯以後君臣播遷無虛日  
士鯤以道梗相失遂之北流遇土寇梁朝統作亂  
兵食交匱士鯤扼腕嘆曰死期至矣尙向草間求  
活耶北流陷自沈黃沙水死年五十有九妻楊氏  
孀婦盛氏女孫靈姑同日死子澆偕妻盧氏亦赴  
水死僕婦從死者二十八人澆字公亮幼警悟善  
事父母博洽工詩文精於楷法以名諸生貢入太

學北流死義日年僅二十有六四子濬字茹榮繼  
士鯤之兄士驥聞父母及弟澆之難入粵求遺骨  
逾三年卒不可得先是士鯤諫草尙藏民間及濬  
至已燬於兵火無有存者幸遇陳喬授其父詩若  
干首羅仲常授其弟詩若干首號泣攜歸爲衣冠  
墓後以副貢老於家論者謂與高驥英劉以雅均  
有古孝子風邑人蕭松齡爲作傳長子澂另有傳  
國朝太倉吳祭酒偉業輓朱仲輿先生詩絕域重  
分路知君萬里餘馬頭辭主淚雁足覆巢書草沒  
還家夢新飛過嶺車海  
南他日事應記北溟魚

國朝宜興陳檢討維崧輓朱仲輿先生詞調寄賀  
新涼淚濕蒼梧樹是千年騷人謫宦舊銷魂路中  
瘞國殤三十口颯沓靈旗似雨光刻刻雲中顧慕  
鉛銅潭西羅神廟笑迎神枉費昌黎句須讓爾歎  
椒糈招魂哭入南荒去痛孤兒芒鞋曾踏萬里  
愁霧峭壁懸崖藤幕歷日落啾啾翠羽尋不徧鷓  
鴒啼處誰認當年騎箕客有猩  
猩夜共猿奴語蕉與荔繡祠宇  
國朝邑人蕭松齡青暘舟次哭朱仲輿并序嗚呼  
仲輿死矣死乎未乎死矣嗚呼仲輿何以死仲輿  
心膽歷歷然顏辭鄂鄂然居於邑邑大事人所不  
敢言賴其言以聞者三十年仲輿邑之望也何以  
死仲輿與予交二十年稱得規失吾執友吾嚴師  
也何以死仲輿與予別十年青溪之畔倉况出送  
皇輿板蕩吾安適從子歸死親吾死封疆揚子江  
頭吾家在焉吾祖若父墳墓在焉蒼梧象郡間風  
雨茫茫吾墳墓在焉吾子若孫家在焉丈夫身許  
國義無反顧無以吾爲念仲輿國男子文山越石

別之流天地之正氣社稷之衛也何以死仲與與子  
人孫一人女孫一人媳二人蒼頭廬兒不知其幾  
何人蒼梧象郡間墓纍纍也子若孫何在  
青溪之畔其言有驗有不驗也鮫昇望祭詩以哭  
之哭吾仲與亦哭天下之與仲與俱西而不俱死  
者歸死龍城未是除蒼梧墳墓子孫家馬鬣封  
還三世夢焱風燒剩一杯沙圓頭泣向寥天月中  
有光芒非子耶枯桑海水夜覲覲杜宇聲哀  
火非青痛君魂氣無不之東方仁望空榛苓  
國朝

潘汝和字龍章居北門外習貿遷業往來廣東道上  
識張保仔於操舟嘉慶十七年時保仔嘯聚零丁  
洋為盜兩廣總督百公齡主撫募有勸降保仔者

予議叙汝和與四友應募往勸保仔謀於其妻郭  
婆帶又名鄭一嫂卜妖神前不吉適外府舟師過  
海上保仔以為捕已疑汝和來偵虛實怒執之臨  
難汝和罵不絕口遂俱被害後保仔從醫士勸乃  
降歸汝和及四友之元百公檄香山令葬東門外  
題石碣曰義士某某之墓業師瞿明經燈為作傳  
孫增附貢生

劉士鵬字汝冲膂力過人明季土寇蠶起士鵬率官  
軍勦撫殲其渠魁餘黨悉平甲申歲方擬倡義保

衛忽傳明祖已墟土鵬憂憤卒

瞿增 王魁 盛龍標 陳德貴 吳世駿

徐德貴 沈步鰲 陸大興 季長發

右靖江城守戰守兵九名咸豐二年十一月奉總督陸公建瀛調赴湖北老鼠峽防堵三年正月十九日遇賊力戰陣亡帶兵官把總馬廷棟外委許茂芳同日死難履歷事實詳見兵事

杜秀山 葉五 董氏 杜秀山母 杜氏 杜秀山姊 錢某妻

長壽 杜秀山女

右靖江縣民人服賈江甯咸豐三年二月城陷遇害事詳昭忠錄前編卷五靖江民人表

韓學金 江榮 蔡榮 陸達三 徐學志

范正賢

右義勇陸名俱靖江人從前任靖江縣齊侯在鎔防守東壩咸豐六年奉調援建平力戰陣亡事聞俱邀卹典

褚讚達字震卿邑增生素尚氣節咸豐十年粵匪陷

江陰鄉民舉義謀克復使來乞師齊侯在鎔募壯勇五十名及錢米遺之命讚達主文案偕勇目李煥章往七月二十四日渡江抵楊庫粵匪驟至如潮煥章等力不支讚達被裹不屈罵賊死

吳銀彪 陳廷彪 以上勇目 童元凱 翁書賢 翁川福

汪泰	汪洪	汪勇	丁大	劉金福
王連城	王福升	王應大	王榮標	王二
張承立	張仁	張開泰	張立志	王廣洪
楊宗元	楊藩	楊宗林	楊恒山	張五保
蕭永興	蕭德年	姚遇春	曹良	楊升寶
潘德奎	錢考大	錢應泰	錢法	蕭金榮
陳順禮	陳棟三	陳二章	陳龍標	陳應奎
朱四	朱勝勇	吳晉藩	吳正元	崔正山
江二	時茂芳	徐潔菴	朱四寶	朱龍

周萬年	周正興	金宗福	金柏壽	金明德
金戰前	金全福	李大銘	李大寶	李茂寶
杜浩然	馬錫如	馬恩保	夏德勝	蔡長裕
鄭培	鄭學遇	陸大	薛保傳	郭安
郭榮	<small>以上勇丁</small>			

右練勇七十一名俱靖江人咸豐十年八月陸家橋陣亡姓名詳昭忠錄卷十六兵勇表

朱勝琪 陳志勇 陳步雲 陳桂 蕭鶴年

張秉榮 王啟明 丁正標 丁正龍 周春榮

右勝勇十名俱靖江人同治元年二月擊賊高橋陣亡姓名詳昭忠錄卷二十兵勇表

吳鳳鳴 王昌全 劉振榮 杜得勝 陸衛生

右惠勇五名俱靖江人同治元年二月洋涇橋陣亡姓名詳昭忠錄卷二十兵勇表

韓福慶靖江縣人由行伍任平望營千總署平望營

都司同治二年十一月二十一擊賊黎里鎮陣亡

按咸豐間粵匪之亂江南郡邑先後失守江靖一水之隔風鶴頻驚幸邀 天佑庇此彈丸未遭兵燹其時文武員弁紳商士庶無不志切同仇悉心保衛固彰彰在人耳目而營兵應調力戰陣亡及民勇赴義慷慨應募爭先死敵者雖虛糜頂踵未建寸功而於執干戈衛社稷捐軀殉 國之義未嘗無當茲謹從本邑營縣徵發冊卷及省頒昭忠錄分別查抄殉難士民及陣亡兵勇挨次編入邑志忠義卷後俾得其傳不朽庶足慰烈魄於他鄉壯干城之士氣云

孝友

范子惠字叔仁宋文正公裔初居江陰父啟光由諸生升國子上舍永樂壬辰偕邑諸生四十七人之南京就試遇盜俱沈於江子惠年十有六聞之慟誓曰仇不復吾不還矣仗劍而往訪盜踪得實值皇太子監國南京以父冤死狀上聞命秋官戮盜百餘人遂復戴天不共之仇遠邇僉稱其孝家遭顛沛後猶勉力以奉母氏數年與兄子懋徙馬馱

沙田園寢廣江陰貧族有來遷者割產以撫字之  
戚友無力舉婚喪子惠解囊以助道路橋梁神宇  
義井之廢修舉無吝色晚築別墅自號樂隱萃文  
正之裔於馬馱沙自子惠始

顧復字德中成化八年以江陰學廩生撥靖應貢試  
高等當授官念母不置告歸省母促之行且命婿  
偕往至卽遣婿歸無何以念母卒於邸次卒之日  
母於夢中聞復哭聲驚曰兒死矣數日後訃至及  
柩還以所服冠置柩上遇母哭冠輒躍覆於地其

妻子哭則言論者以爲孝徵復素有文名謙

以貧十八詠見稱於世

鄧奎始祖明以安南歸順功賜爵世襲四夷館序班  
奎當襲讓與弟璧獲賜田若干畝

劉鑰字慎卿居城西南六里以歲貢授海鹽訓導爲  
縣請廣學額督學重其才品從之陞安義教諭生  
平篤行散財於昆弟而以貧約終其身宗黨稱之  
朱絃字和甫由歲貢授温州府訓導遷平陽諭陞興  
安知縣致仕曾游王文成公之門以孝友廉靜稱

朱繪字質甫少有聲庠序食餼在兄絃前當貢先讓於兄選龍游縣丞轉臨安府經歷致仕敦倫飭行緝宗約修世譜綜家嗣友於兄弟卹睦嫻黨當道多折節以式其廬龍邱陸瓚爲之墓誌

朱汀字文甯鴻臚寺序班爲人渾厚有禮法每日肅衣冠集子姓授戒造揖兩兄始朝食至老不衰兄嘗中讐隙誤逮汀輒任不辭當道廉其寃得釋歲時存問親故必量其所需貽之以爲常隆慶中歲祲斗米千錢汀發粟賑貸飢民賴之生平謹恪無惰容盛暑不輟服御言語之間絕不談人過有蒼頭盜其銀汀覺而密扃焉日晡出之曰飢否第改此不汝暴也其人感泣爲良善性厭藻飾而簡雅絕勝人爭誦爲古人子大桐另有傳

朱軌字大信居城西七里長安團官南京鴻臚寺序班以病乞歸父懷遠爲仇所誣老不任獄軌挺身詣官請代理者日嫌任橐籥者十六年值父喪盡哀遂自沉有過舟挽之去賣卜馮漢之間後竟客死生平能詩善草書卓然篤行君子也江陰張太



常袞表其墓長洲文待詔徵明書之子習之字本  
儒諸生亦有孝行當其父自沈時官司追捕四出  
習之赴官代理在獄者六年拷掠百至後事白而  
歸乃棄儒爲醫學訓科以子正初貴贈鴻臚丞太  
倉王中丞世貞爲作墓誌銘

朱梁字君重例選職員父爲讐家所陷梁鳴父寃狀  
渡江值颶風作人不敢渡梁跪舟人曰今日不濟  
吾父當寃死舟移風亦漸和遂得渡嚙指血書狀  
慟哭公庭當道憐之爲按實爭竟得白父多庶子

析產多與膏腴以順父志父

即丙夜必整冠

候無間寒暑宗黨欲上其孝  
行謝曰子之順親分  
耳奈何以博名高人愈多其孝

朱統善字體仁例選職員少撫於叔父色養不啻所  
生膏腴之產悉讓幼弟父歿時以應試南都未及  
握訣抱終身之痛宗族稱其孝

孔永芝居西鄉十五圖性至孝父久病兩兄議析產  
較低昂永芝惟兄所命日以父疾憂惶無措忽戶  
外醫至延入診醫曰此疾須親生兒女肉製藥可

愈不則死矣永芝卽於密室割左股肉授醫製藥  
父服之果愈又有陳芳楨者亦割股進父伯宸與  
永芝俱以孝稱

范節字安伯一字柏雲鄉賢永齡之子少受學於王  
文成公言動必由矩矱以拔貢就銓曹上書論選  
法考課不應拘資格當事弗能用授甯德縣丞居  
官清慎不隨俗俛仰尋掛冠歸生平臨財廉赴義  
勇事親能養志事兄如父割產膳嫂曾捐百斛佐  
友急不責券絕迹公庭以鄉飲徵不一赴人益高

之

明晉江何尙書喬遠書別范柏雲詩後跋先廣文  
好古寡諧嘉靖中掌教靖江諸生中最愛范柏雲  
君柏雲尊甫思泉公爲令去爲王官不挈家獨將  
母在舍問寢視膳動如古禮先廣文未嘗交思泉  
公而筆札往來甚習先廣文免官思泉公有詩云  
忽憶清修何作菴大行風教好儒官清修反爲人  
憎累歸去田園是挂冠其詩亦不以寄後於公集  
中得之予時爲童子猶記憶公家父子與先廣文  
交游之悉今且三十年予署金虎而柏雲猶困頓  
成均無所遇今年秋相見於都下潛然出涕念先  
廣文如平生亡何乞官得丞悒悒者累日柏雲心  
非薄一丞殆歎其篤志力行不遇而且老也嗚呼  
柏雲侍先廣文時予出入膝前數摩予首屬對命  
我予得一官雖幸方壯然二毛已見端尙時有易  
逝之感何况范君雖然人生何極之有河梁分  
手神愴色飛旣作別詩復興舊慨遂書其後

陳淑字善卿暮失怙稍長求父葬處母攜令識之時  
往洒淚長游庠教授爲供母資其婦辭色忤於母  
竟黜之躬具甘脆多方以佐母歡母病焚香籲天  
願以身代卒則拊其屍勺水不入口三日垂絕復  
蘇比葬躬運土成墳廬於其側中夜悲號聞者淒  
斷遇大風揭其廬鄉人爭爲構葺三年外始因親  
友勸歸然猶一日一往泣下沾襟爲人篤行真摯  
非義不取嘗拾遺金無認者仍委於道旁受米價  
或過其數則亟還之舍主生平不愧獨知事悉類

此母徐氏早孀年八志卒年八十有四先以直指累  
獎其子孝行亦以貞操表其母焉

陳可達窶戶細民也與父偕渡江有估客同舟頗多  
貲舟人利之故縱帆覆其舟可達善水先登覓父  
不得遂操櫓溯流往得父連聲曰急附櫓急附櫓  
旋以兩手擊而前時寒風凜冽父凍瘖不支因復  
溺可達大哭挾櫓赴中流竟亦溺死三日抱父屍  
出面色如生

孫黼業縫衣早喪母事其父至孝每出得果脯善輒

懷歸以貽父日必市酒令妻陳氏温而薦之冬夜必抱父足而寢父歿以一葦席廬於墓側終三年哭不絕聲過者咸爲歎羨

劉權居北新港力備以事母然不遠傭擇其附近者始往日必夙興具盥沐侍母食而後出每食必趨歸反復視始去與眾共飯執役後母死出積值市地以葬遂廬其上涕泣奉膳出入必告如生時終身未嘗他徙陳志又有朱紱列於權後劉侯嘗以孝子獎之

季世盛字君拔邑諸生少失怙孝事其母母有疾焚香祝天願以身代及卒滴水不入口者數日並敦友于之誼事伯兄惟謹鄉黨稱之子元衡元衛元術俱以庭訓補諸生

范宏祖字懋卿邑諸生性至孝事父先意承志父歿後寡母寢疾五載朝夕不離床側藥必口嘗籲天請以身代子振文諸生亦至孝有父風

陳世滔字太素邑諸生善之子性質素厚孝友嫻睦聞於里黨間尤善隸書恒以一圃一畦陶然自足

處世若虛舟然

陸德隆字伯修志行醅謹事繼母克盡子道時以爲難有士貧而不能卒業者資其飲食俾勵志讀書亦遵母氏之訓

國朝

瞿德茂字士明前明醫士介福之孫天性孝友幼失怙事其母不離膝下出必告反必面日以甘旨奉養循循子職兄德毅素有志操值乙酉之難與其妻項氏投繯死德茂悲痛不自勝薰沐而後棺之

墓於南城外歲時伏臘必多設酒醴陳故衣履而而祭之哭甚哀聞者皆爲泣下兩弟早孤力爲婚娶竭撫教之誠由是聲播郡邑郡邑請於王撫軍及秦直指並以孝行可嘉獎之初德茂父宗爵與弟宗鼎善軒岐之術至德茂亦以醫名子四長瓊次瑄次琬次炎皆克世其業邑人蕭松齡作傳曰虞山一派遙遙其未有艾也

朱應鼎字凝和居布市在庠序中有聲邑弟子多從之游自處端方嚴重與人交則簡易直諒所得修

脯以具父母甘旨餘悉畀之二弟不入私橐晚年  
感念風木絕意進取及其膺 榮封享大耋人以  
爲孝友之報卒祀鄉賢鳳陽鄧檢討旭誌其墓子  
鳳台另有傳孫廷亡

朱廷亡字式屏幼慧好讀書年十三游庠隨食餼入  
都肄業成均舉 康熙壬午順天鄉試癸未成進士  
授內閣撰文中書以父鳳台年逾八秩乞假歸逾  
年父有疾廷亡親奉湯藥侍立終宵不倦父歿哀  
禮交盡服闋以原官補充政治典訓一統志纂修

官二年 戶部 廣西司主事未幾念母不置請歸  
田以盡烏私先是在內閣時積勞得怔忡疾及居  
母喪哀毀過甚疾益不可支遂卒平日留心理學  
修王文成公復 七規講論津津舉動悉遵禮法其  
父嘗建惜字庵育嬰堂廷亡承先志捐田充經費  
讓居宅於弟而徙如皋宗黨以孝友稱武進錢名  
世爲誌其墓

劉士炎字珍之邑增生居蘇家港側前明梧州同知  
文棻之子幼穎異過目成誦長而慷慨好施以義

立江縣志 卷十三 孝友  
俠稱弟士焜未仕時嘗爲讐隙所中士炎代任不  
辭困苦備嘗終其身未嘗稍悔厥後士焜殉長沙  
之難子以雅嗣於士焜入楚求其遺骨而歸  
朱天錫其先江陰人久居靖母萬氏老病弗痊天錫  
割股以進母遂愈又有韓世俊割股療父濟川之  
疾俱以孝稱

劉汝宸字紫楓居南門外半里許建安知縣疇之孫  
涪安縣丞鑑之子也幼有神童名年十六補諸生  
父鑑適歿於官事母朱孺人最孝母病奉湯藥衣  
不解帶者兩月餘每號泣祝天願以身代及母逝  
哀毀踰禮屏交游絕晏會服闋猶日供二親遺像  
出入必告時食必以薦所居有避塵園爲先人遺  
蹟稍稍增建築留春堂游息其中不與外事生平  
善琴棋工繪畫嫻騎射遠近好藝術者從之

劉方沛字雨三居石皮街疇之孫邑廩生若金少子  
幼稟異姿讀書過目不忘年十九舉康熙乙酉鄉  
試考取內閣中書乞假迎養母氏因北地苦寒艱  
於跋涉弗果往遂改教得崑山諭大慰母心方沛

亦自喜曰崑山距靖不過三百里視膳問安一返  
棹可得也未幾告養歸偕諸兄斑衣戲舞克盡愛  
日之誠定省而外教子潛心經史後以長子枝梅  
官荊州同知 贈如其官枝梅另有傳

顧士彥字彥貞國學生居東鄉永慶團年十四喪父  
哀毀骨立葬畢赴墓號泣者經年事母不離左右  
克盡烏私弟士憲以携菡蕩產妻亡後士彥爲繼  
娶給以已產之半復蕩之時士彥家亦落乃與弟  
合炊而躬自力作妻 繆氏紡織無怨言生平讀書

必探本原著有春秋一得四卷 後學人駿

淑浦 贈如其官天駿另有傳

劉朝佐字若蘭國子生居蘇家港側明經以雅之孫  
母病篤割股進之遂愈子超字盛傳邑諸生當舞  
勺時亦割股以愈父疾時稱世孝超子斯顯乾隆  
己酉成進士官雲南蒙化廳直隸同知朝佐及超  
俱 贈如其官

朱佳色字紫翰邑增 居長安團割股進母劉氏疾  
頓瘳厥後生祠鎮李林舒年十有四以父又樊疾



自嚙其肉和藥以進監生張健侯亦割股療親皆  
徵孝行

賈俊字廷襄國學生兄廷彥爲本營把總嘗解官糧  
至京口遭風船覆俊代賠米一千石兄免罷官弟  
廷榮蕩其分產後復以已產給之召之同爨而弟  
感悟歲祲則首捐以爲通邑倡督學莊公有恭獎  
以額曰敦倫睦族康侯曾詔亦以惠週鄉里獎之  
劉秉樞字文言居東門外佃儻尙志節孝友爲里黨  
所推登乾隆甲子順天副榜親老不仕家貧藉館

穀爲一水資誨子弟必以踐履爲先父病衣不解  
帶湯藥必親嘗之子熊載字震揚年十六游庠升  
國子上舍考充 國史館謄錄郡城劉文定公雅  
重其人登戊子順天副榜官濟甯州同知

劉鳴仁字君嘗居東水關側建安知縣疇之四世孫  
也幼聰慧以善奕名父母皆鍾愛之弱冠補諸生  
居父母喪哀毀過禮將葬術者言某日不利於幼  
子鳴仁曰豈有葬親以圖利者乎卒用每日事其  
兄鳴華鳴義甚謹田疇器物畧無計較嘗取周易

性理諸書展玩不釋講學於東川書院間遇邑中耆舊恂恂然執弟子禮性尤好義歲歉則出餘粟散給里中見有遺幣必捐資收瘞

沈芳洲字璵璵居城西南三里三歲失怙時聞號泣聲稍長嗜書從兄聚源送之就傅補諸生隨餼於庠事母至孝館於靖泰兩邑中造就生徒百餘人修脯悉以將母母卒哀若喪父歲時祭祀必泣下報從兄德給以遺產之半六旬後以歲貢候選及授南陵訓導則已赴修文之召矣子一長建槐字

登三次建梧字觀三承過庭訓先後游庠食餼咸爲村塾師每月必往父館省視母病思食果間數日則各懷果遺母信宿乃去母先卒哀禮備至數年建梧亡建槐以父抱西河之慟伴爲勸慰心劇痛焉又以父年老擇館必與父鄰以便定省父病日不交睫者累月遭喪哀毀備至殯殮之資絕不以累從子先是風潮沒從子室其妻子俱淹斃建槐爲之築室繼娶弟嗣賴以弗絕弟之女適陸姓家貧過其門必厚助之建槐亦以歲貢終邑人稱

沈氏父子孝友可風其著述俱詳藝文志

劉臺字亦昂邑諸生居東水關側懷慶府經歷杏芬之孫乾隆四十六年夏隨母往康莊沙課耕六月十九日風潮漂沒其廬臺奉母巢居於樹母忽爲浪擊去臺躍入水救之卒不獲母子俱斃

史士名居南門外父大慧早世事寡母劉氏家雖貧而甘旨不缺一日清晨買魚數尾懸酒家將以奉母遇大雨避城隍廟內雨罷至酒家索魚不可得抵家始知雨中有人送魚至母已烹而食之聞者

謂孝感神明所致母年七十病劇醫皆束手士名奔祈於城隍神願與妻子各減算以延母壽得終一星病旋愈年至八十有二適如所請之數長子樑字宸楹世濟其孝能得二老歡乾隆甲寅舉於鄉其父猶及聞捷音而歿樑後官嘉定教諭有知人鑒廖觀察文錦嘗出其門在任十餘年以年老人歸次子楷字維模由兄撫教成名亦舉嘉慶戊午鄉試選建德教諭未抵任卒諸孫多有列膠庠者朱基繹字榮曾國學生布政司理問職銜居察院巷

紹興太守煦之第六子也有孝行乾隆四十九年  
家不戒於火焚及母室基<sup>緯</sup>從烈燄中負母出得  
免於難子鼎金國學生候選從九品次品金舉道  
光壬午順天鄉試官山東兗州府管河通判加同  
知銜

朱基緯字伸武居南城內四川叙永廳直隸同知照  
之仲子弱冠游庠援例貢成均鄉試四薦不售畧  
無怨尤至性過人侍父疾衣不解帶及歿哀毀骨  
立遇忌日尤深愴感嘗以事赴江甯間母疾作由

長江一日抵里得以奉湯藥親含殮皆其孝感所  
致嘉慶十九年春江口築石堤基緯偕弟及從子  
捐銀數千兩以助大工夏大旱歲稔復捐資賑濟  
全活飢民無算生平和氣渾然不沒人長不揚人  
短雖遇非禮弗與校閭邑稱為長者初基緯援例  
候選詹事府主簿後以子鑄及從子楚金貴顯疊  
膺 榮封子四長如金歷任江西金谿豐城知縣  
次若金由廩貢候選知縣次鑄由附貢在兵部武  
選司主事次南金由附貢候選府經歷孫曾列膠

庠登仕籍者不可勝紀卒之日尚書姚文僖公為  
作傳

鄭汝霖字雨亭居石皮巷翰林院庶吉士毓善曾孫  
父錫祚以孝聞汝霖幼失恃聰穎過人工於詩古  
文詞弱冠偕兄汝弼人邑庠士林以大小宋名之  
未幾汝弼早亡家貧賴汝霖歲得館穀養厥父事  
寡嫂教弟妹撫猶子孝友稱於族黨間武進李庶  
常兆洛江陰祝徵君百十輩咸與締交赴鄉試累  
薦不售竟以廩貢終士林惜之弟汝謙字竹亭歲

### 貢生工詩

江錦帆字蘭舟廩貢生居石皮巷父鰲邑廩生善屬  
文試輒冠軍錦帆少受庭訓補諸生隨餼於庠設  
帳授生徒有嚴師名父歿後事母氏能得其歡心  
從父則養之終身又教其從弟深補弟子員生平  
謹言笑端步趨歲獲脩脯外一介不取嘉慶二十  
五年擬舉孝廉方正會病卒不果子夢筆夢魁俱  
邑諸生

鄭汝英字墨卿附監生戶部主事錫琪第二子少承

家學通經史百家言工詩善書尤精漢隸性廉介  
篤孝友年十四隨任京師父患怔忡每徹夜爲之  
按摩不少懈後侍疾歸嘗館於杭以謀甘旨浹月  
必歸省父病星夜旋里躬侍湯藥衣不解帶者月  
餘既居憂哀毀彌至諱日設祭敬薦所嗜輒泣下  
生平持身謹厚慎交游戒微逐遇後輩必從容教  
誨從無疾言遽色咸豐初邑紳士擬舉孝廉方正  
固辭所著有畿輔水考論語訓纂江防聞見錄滄  
江平浪記駢體文集尺蠖齋詩稿卒年八十四

于四長

辰校山廩生中式道光庚子科副榜次

俗序棠 庾梅俱廩膳生

季德昌字宗周國學生幼失恃家無立錐父承秦飢  
驅北上二十年不通音問德昌苦志力勤既克家  
舉子慨然嘆曰天下安有無父之人哉道光四年  
具川資孑身外出訪父蹤跡歷山東直隸河南諸  
省轉覓數千里杳無消息囊金將盡衣履皆穿時  
嚴寒行抵山西太原形容憔悴囊橐全無店主欲  
不納德昌具道所以且泣且訴店主憐其誠乃曰

汝少待吾爲汝蹤跡之少頃引一老者來鬚髮頽  
白年可五十餘與相見德昌初不識旣而老者叩  
問來厯及父子徵驗德昌始悟老者卽伊父乃備  
述苦情及幼年失恃狀聞者皆歔歔欲絕老者嘆  
曰是真吾子也遂相持飲泣者久之旣而整裝歸  
奉養二十年旨甘無缺享年七十一以善終德昌  
亦享壽七十咸豐六年乃卒子仁煦孫曾繁衍家  
亦日裕人皆以爲孝行之報

